

四庫全書

子部

欽定四庫全書

萬姓統譜卷一百十六 明 凌迪知 撰

入聲

五勿

屈

臨海宮音楚公族芊姓之後楚武王子瑕食采于屈因氏焉又望出河南

周

屈伯庸

楚武王子瑕之後采食于屈因氏焉生女嬃及子原

屈原

伯庸子名平別號靈均仕楚懷王為三閭大夫掌王族三姓入則圖議政事決定寃疑出則鑒

察羣下應諸侯謀行職修王甚珍之同列靳尚輩妬害其能共譖而疎之乃作離騷冀君覺悟

襄王立復用讒譎原於江南原於是作
漁父諸篇以見志遂自沉汨羅江而死

屈罷

楚大夫平王命簡東國之兵
於召陵息民五年而後用師

屈到

楚人嗜芰有疾召宗室屬之曰祭我必以芰及
祥而祭用芰子建命去之曰夫子不以私欲干

國之
典也

屈固

白公劫惠王置高夏欲殺之從
者固負王亡走昭王夫人宮

屈侯鮒

文侯之子無傳
翟璜進侯鮒

屈丐

秦與韓共攻楚敗
楚將丐斬首八萬

屈建

字子木到子楚
公族世為莫敖

屈完

楚大夫長於專對初齊桓公以諸侯之師伐楚管仲責以包茅不入王祭不共昭王南征不復

齊侯陳諸侯之師與完乘而觀之完曰君若以

德綏諸侯誰敢不服君若以力楚國方城以為

屈廬

魯公十六年楚白公勝將弑楚惠王王出亡令尹司馬皆死拔劍而屬之屈廬曰子與我將舍

子不與將殺之乎廬曰子殺叔父而求福於廬也可乎吾聞知命之士見利不動臨死不恐為

人臣者時生則生時死則死是人臣之禮也故上知天命下知臣道其可決乎勝乃內其劍

屈巫

一名巫臣字子靈楚公族也為申公故曰申公巫臣

屈宜臼

韓昭侯旱而作高門宜臼曰昭侯不出此門何也不時吾所謂時者非時日也人固有利

不利時昭侯嘗利矣不作高門往年秦拔宜陽今年旱昭侯不以此時卹民之急而顧益奢此謂時絀舉羸高門成而昭侯亡

漢

屈燕

平原太守

屈充

偏將軍

屈處

靜

祁陽人楚白公之後幼而悟道託迹人表凡十二年一旦駕鶴而去

三國 屈晃

天台人仕吳為尚書僕射時孫權欲廢和立亮晃諫叩頭流血權不納斥還鄉里後皓即位封

其子緒為東陽亭侯弟韓恭立為義都尉

南北朝 屈遵

字子度昌黎人博學多才名著當時魏道武朝為中書令後以開拓之功賜爵昌黎公

屈恒

遵子字長生沉粹有局量歷位尚書右僕射以平涼功賜爵濟北公太武安以大政車駕出征常居中留鎮贈征西大將軍諡曰成

屈道賜

恒子襲爵善騎射機辯有辭氣太武甚器之位尚書右僕射加侍中諡曰哀

唐

屈隱之

祁陽人少好經史尤精易莊舉秀才為廣州判官兼攝司馬後攝韶州刺史居官清儉請行託不

宋

屈符

屈唐臣

太原人登科

屈理

同州人

屈堅

忠州防禦使建炎初金人圍陝府堅引兵殺之

何憾叱金人
使速殺之

屈長吉

屈大方

屈中美

廬州人
竝登科

元

屈殷

字子申以總管狄師聖集賢侍制李桀薦策試
優等特除秘書丞乞便養改信州知事信守王

直御史徹爾布
哈交上其蹟

明

屈怡

陝西人洪
武進士

屈伸

直隸人成化進士

屈直

字子仲華陰人成化進士歷都御史

屈銓

字東衡蒲城人弘治進士任兵科給事中易直通達鯁直不阿為士林所重

屈鉞

字東鈞蒲城人正德辛未進士任知府

嘉靖間國子監博士屈大陞朝城縣人士子科舉人

鬱

太原宮音與蔚姓通

明鬱讓

山東人正德中任潁川衛知事

乞

五代 乞力 徐邊

將

明 乞賢

南京人弘治中泌水知縣

乞住

廣西人正德中吳川知縣

第 音粥

周

第翰

見左傳

邾 音弗

漢

邾修

九江太守

尉

琅邪羽音左傳鄭大夫尉翩之後一云尉姓

漢
蔚曠

宋
蔚昭敏

鎮定高陽關三路先鋒契丹入寇昭敏與范廷召追斬萬餘級擒生口甚衆契丹委器甲

去適

明
蔚綬

合肥人秉心淳實履行端方洪武中擢戶部主事尋遷員外郎克著能聲舉陞山西叅議永樂

初召拜禮部侍郎益屬勤恭洪熙初陞本
書宣德中致仕卒遣官諭祭為營塋事

蔚能

朝邑人以吏員授光祿寺典簿歷陞本寺卿進禮部右侍郎以忤旨調南京在光祿三十餘年

未嘗持禁臠回家上疏請查入內供應器皿詔下獄問所由能謂同寮曰上怒不可測能老矣當獨任之勿累諸公也既受責降未嘗有後言人尤稱之

蔚春

合肥人弘治進士性狷介於人不苟合任兵科給事中清白一節時雅重之

蔚昶

宛平人正德中涇縣知縣

嘉靖丙辰進士蔚鍾字萬鍾河南延津人歷郎中

嘉靖壬戌進士蔚元康字良甫宣武人歷太僕寺少卿

訕

漢訕

强見印

弗

漢弗

磐見印

物

宋

物奴

昌化人淳熙進士

蒂

見姓苑

爰

見姓苑

黻

見姓苑

紱

見姓苑

六月

厥

漢文帝賜衡山王宮人厥氏姓苑云今京兆人

明厥惟明

四川井研人弘治中陝西華州知州

骨

望出河南官氏志紇骨氏改為骨氏今南昌多此姓

隋骨儀

天竺胡人性剛鯁開皇初為御史帝嘉其清苦拜京兆郡丞

五代骨言

歙州刺史

明骨恭

歸德人景泰中任趙州學正

髮

漢髮福

東海人治詩

闕

下邳宮音齊卿闕止之後

漢
闕翊
判州
刺史

闕宣
下邳人

宋
闕聳
字惟瞻
淮安人
嘉熙進士

闕一德
承奉郎
江陰路分政

闕定甫
嘉熙進士

明
闕禮
字文則
崇安人
洪武中貢士

闕津
長洲人
宣德中以
人材任
龍南知縣

闕膺
奉新人
宣德間為
豐令
萬於民事
邑人稱之

關清

河南人弘治舉人知平涼府
天性純孝為政務本愛民

隆慶戊辰進士

關成章長洲人

越

晉陽羽音夏少康之後如姓越王勾踐裔孫無彊為
楚所滅子孫以國為氏河南官氏志越彊氏改為越
氏焉

南

越質

梁州刺史

隋

越椒

北海太守

明

越堅

合州人正統進士

越孝

合州人成化舉人

越英

性剛方正直平生無一戲言情行從叔宦湖南家口流落英間闕盡歸之年已二十八矣發憤

讀書七年中雲南鄉試初任衡陽教諭陞蜀瀘知州好善嫉惡守正不阿棄官歸教子孫以道義濟族人之貧乏勸鄉人以勤儉為鄉里所畏服卒年八十餘瀘人之在貴者相率為文以弔焉祭

越昇

博學能文尤長于詩以經明行修舉授播州宣慰司儒學訓導卒于官

越溱

貴州衛人正德庚午舉人任四川定遠知縣

越淳

貴州衛人正德辛未舉人任教諭

越民望

貴州衛人嘉靖庚子舉人民表丙午舉人民牧己丑舉人民範士子舉人

隆慶中曲陽縣知縣趙民瞻丹徒人
隆慶庚午舉人趙應揚貴陽縣人
萬歷間四川榮縣知縣趙應奎丹徒人

揭

唐

揭鎮

青州刺史

宋

揭佑民

廣昌人為邵武丞性伉直時太守侏敖佑民直以待之程距夫稱其不為威詘不為利誘

或出或處任其自
然其知道者也

揭商霖

豐城人紹興進士

揭飛雄

豐城人紹興進士

揭秀實

南城人政和進士

元揭傒斯

字曼碩富州人父來成宋鄉貢進士傒斯父

侍講學士同知經筵與修經世大典及遼金二史卒追封豫章郡公謚文安子法

揭法

字伯防荆楚人傒斯子少淳朴苦學同舍生以成誦出嬉遨法獨坐諷不休夜焚薪以繼必精

熟乃已年十八盡通六經大義攻古文詞侍父於燕補太學生端方有威儀六館士敬而憚之或譁笑方殷聞法履聲輒止以陰補祕書郎遷國史編修歷官至肅政廉訪司事守建寧偽漢陳友諒兵寇松關建寧受圍吏民相繼出奔法與經畧使布延布哈協謀禦賊設方畧復延平等三州改江西行省未赴以工部郎中召時淮浙亂道不通留家慈谿子樞浮海趨遼東制授

刑部侍郎既而順

帝宵遯乃南還

明揭軌

臨川人侯斯之後洪武初以明經舉任清河主簿遷知縣事民懷其德已而謝歸教授生徒嘗

考江西鄉試士服其公召定書傳
會選數承顧問所著有清河集

揭樞

弘文館學士

揭稽

字孟哲廣昌人永樂進士歷官都御史兵部左侍郎巡撫廣東大著聲譽

揭榮

建昌人永樂舉人開縣教諭

揭明

廣昌人成化中任富陽縣學訓導耿直寡合言笑不苟教授生徒每敦古道當道嘗延而諮之

謝不往

揭魁

四川人成化進士

揭啓

將樂人嘉靖中任龍川縣學訓導

隆慶庚午舉人揭士奇廣昌人萬歷間廣西清遠縣知縣揭喬岳歸化人

謁

古有謁者官因以為氏

漢謁渙

江州縣人仕為汝南太守有公直之稱其同邑又有司隸校尉程焉度遼將軍譙章皆有名於時

謁瓊

荆南太守

謁居

張湯小吏

忽

忽仲之後

元

忽辛

大德元年改遷雲南行省右丞時廣南酋沙奴素強悍宋時嘗賜以金印雲南諸部悉平獨此

梗化辛遣使誘致待之以禮留數月不遣酋請還辛曰汝欲還可納印來酋不得已賁印以納

辛置酒宴勞諷令借印入覲帝大悅

明忽忠

解陽人舉人正統中任荊州府通判

忽麒

朝邑人孝親廬墓奉旨旌表

萬歷中戶部主事忽鳴山西人舉人

月

金月彥明

元統中台州錄事司達嚕噶齊縣未有學乃首建孔子廟既又延儒士為之師以教後進

明月文憲

巴縣人洪武初僑居巴陵以明經舉授武昌訓導有詩集遺世

月隆

江浦人正統中任州判

月汝欽

涿州人成化間袁州府照磨

月輝

字本明賴縣人四川江油知縣以清苦稱

月正

字廷表輝之子貢士仕河南裕州知州

月華

清浪衛人嘉靖庚子舉人

萬歷間山西太原衛指揮月東昇山後人

字

蒲沒切見姓苑

明

字敏

隴西人宣德中舉人任嘉定州學正陞四川僉事

字應魁

安陸人弘治中任州判官

沒

見姓苑

漢

沒未央

見印藪

褐

明

褐奎

北流人成化舉人

勃

頓邱角音昔有寺人勃鞞梁武帝改豫章王為勃氏

扞 楚擣扞之後

兀 後魏改安樂王元鑒曰兀氏

紇 北齊紇奚氏改為紇氏

粵 見姓苑

刖 見姓苑

突 見姓苑

闕 高辛氏子闕伯之後

脛 音掘見直音

萬姓統譜卷一百十六

欽定四庫全書

萬姓統譜卷一百十七

明 凌迪知 撰

入聲

七曷

葛

梁國商音風俗通葛天氏之胤子孫氏焉夏時葛伯

嬴姓國也亦為葛氏河南官氏志賀葛氏改為葛氏

漢

葛龔

字元甫慷慨壯烈勇力過人永初中條上便宜四事拜蕩陰令

葛嬰

符離人陳涉令將兵徇蕘以東嬰立襄彊為楚王時涉已王楚遂殺嬰漢文帝錄嬰有功封其

孫為諸城侯因家焉

葛興

潁川太守

三葛玄

字孝先吳人初從左慈授九丹液仙經後得仙號葛仙翁閭阜第二十福地其修煉成道之所也

晉葛洪

字稚川句容人玄之從孫家貧好學究覽典籍凡所著撰精覈富瞻吳興太守顧秘檄洪為將兵都尉以功遷伏波將軍元帝辟為丞相掾以平賊功賜爵關內侯咸和初選為散騎常侍不就後入羅浮山優游間養著述不輟

葛瓚

亦名仙翁彭州有葛仙山在濛陽北四十里乃廿四化之第五化也有崇真觀葛仙翁瓚楊仙翁升賢於此得道梁大同中蒲仙翁高遠復於此上升

葛彊

山簡
愛將

葛田

乘木羊上綏山
隨者皆得仙

唐

葛立方

丹徒人著
韻語陽秋

葛同

堂邑令郡學鄉賢碣有贊云葛公宰
邑歷代稱賢一方受賜千室鳴絃

五代
葛從周

字道美鄆城人仕梁累立戰功官至昭義
軍節度使封陳留郡王致仕卒贈太尉

宋

葛霸

真定人安表雄毅善擊刺騎射太宗時累官保
順軍節度鎮州都部署卒贈太尉子懷敏歷知

數州仁宗時為涇原路招討經略安撫副使
趙元昊寇鎮戎軍懷敏督諸將與戰遇害

葛宮

字公雅江陰人舉進士性敦厚善屬文上太平
雅頌十篇真宗嘉之召試學士院又上寶符閣

頌官至工

部侍郎

葛源

麗水人仕為雍邱令時有中貴人擊驛吏府不敢劾源上書論其事中貴人坐誅時論高之終

湖北路提

點刑獄

葛密

字子發宮之弟舉進士為光州推官仕至太常博士年五十即請老姻黨交止之笑曰俟罪疾

老死不得已休官者安得有餘裕哉即退居號

草堂逸老子書思踵登第調建德簿密既致仕

書思即投劾歸養十餘年後仕至朝奉郎亦告

老父子清節相映人以為難子勝仲孫立方皆

以學業至侍

從徙家吳興

葛書思

字進叔密子第進士調建德主簿時密已老欲迎養之官密難之書思曰曾子一日不忍

去親側宣以五斗移素志哉遂投劾歸養十年
近臣表其志行後仕至朝奉郎居喪哀毀骨立
歲暑不釋苴蔴終禪不忍去冢舍後卒諡清孝

葛閔

皇祐中知江陰以軍守田視他郡差厚閔謂瘠

人厚已歲所得七百斛盡輸之官運河自黃田
港達五瀉堰中多淤梗閔以積潦害稼募里

葛勝仲

字魯卿丹陽人知湖州時羣盜縱橫聲搖諸
郡勝仲修城郭作戰艦閔士卒賊知有備引

去歲大饑發官廩賑之民賴
以濟其後子孫遂居湖州

葛邲

字楚輔歸安人祖勝仲知湖州父立方官至侍
從邲舉進士累官刑部尚書紹熙中拜左丞相

以少保致仕卒諡文定邲在言路論疏皆切中
時弊居相位能守法度進人才處己以不欺為

本有文集

二百卷

葛洪

字容甫東陽人從呂祖謙學登淳熙進士歷官叅知政事觀文殿大學士卒諡端獻贈太師信

國公高風勁節追媲古人有奏議涉史隨筆詩文雜著凡二十卷

葛邠

字用光青陽人乾道初來知縣事以樂易處心以儒雅飾吏事略煩碎而舉大綱示敦朴而鎮

以至靜未旬歲間民不駭政俗皆按堵詡簡牒寡園扉草生市無喧鵲之警野有馴雉之異綽然有循良之稱

葛賡

字德載金谿人建炎間賊騎將至郡城賡善用長戈率保社勇敢士扞拒賊為退賊有髯而騎

者揮刀持突而前賡投戈擲之墮馬賊驚潰獲其正使告身鄉人欲上其事賡曰吾志除賊無

意論功後以子逢時貴
封宣義郎賜緋衣銀魚

葛敏修

工詩山谷南遷還至南華竹軒令侍史誦詩
板一絕云不用山僧供帳迎世間無此竹風

清獨拳一手支頤臥偷眼看雲生
未生視姓名曰果吾學子敏修也

葛昭華

江陰人淳化進士大理寺丞

葛長庚

瓊山人號曰玉蟾年十二應童子科後隱居
修道于武夷山工於詩所著有上清武夷二

集行于世

元葛拱辰

字宗極少負才能居常自奮思有以見于世
孝親睦族納交名士大德六年以皇太后宿

衛士降旨授士路總管府治中改將仕郎
歙縣丞焯有能譽任終常山令

葛敏問

滁城人刻志典墳善文辭至正間有司舉為清流縣學訓導克以師道自任學者尊之

葛元詰

金谿人弱冠有文名登進士辟浙江行省掾時蘇天爵樊執敬叅省政皆待元詰以賓友禮至正十四年以大臣薦為本縣令元詰博學工文有英氣居官以善績稱門人私謚之曰文貞先生

貞先生

葛乾孫

字可久吳人生有奇氣貌偉特膂力絕人好擊刺戰陣之法以至陰陽律呂星數靡不精究長厲折節治經研覃淵邃肆力古學為文章陵轢古今沛如也

葛聞孫

合肥人舉進士為翰林編修有文名

明 葛宗

瀟山人少有大志洪武初徵為都察院檢校有才名陞山東監察御史出按雲貴有嚴明之聲

凡獄獄必求其情素稱執法然疑獄不輕入故一時無冤民數懸致政歸

葛瑾

沂州人洪武乙丑進士歷兵部侍郎

葛鈞

洛陽人洪武中任侍講學士

葛誠

未詳何許人為燕府長史北平兵未起誠與張弼謝貴言府中事又嘗諫文皇文皇稱病暑月圍火輒言寒三司官入問疾誠密告弼王非病以不得上心故誠又密疏聞上會燕人奏事京師遂執下獄得密謀踪跡即發符逮府官校又令貴弼發兵內應盡簿錄王府人文皇大怒恨殺誠族

其家

葛陵

廬陵人永樂進士

葛進

歷官河南都指揮使克偏將從大將關建文四年正月朔北平兵至藁城時進為先鋒率

步騎萬人渡滹沱河半渡北平兵李遠擊之進見遠兵稍退繫馬林間步卒短兵接遠誘進潛師出進後盡解林間繫馬急鼓衆擊進進兵失馬大敗脫身走及事後坐死宥之掌寧夏衛事

葛詡

正統中沂州學訓導嚴重寡言學問醞藉秋滿拜監察御史陞湖廣按察僉事有廉幹勤能之譽

葛泰

字文彬績溪人性至孝正統初老母母疾篤思食生梅時八月梅無存者泰但遇梅樹盤桓涕泣竟得生梅二顆如初熟者持以食母疾遂瘳人以為孝感所致父應童有行誼泰克繼其志凡鄉里食不充者貧不能葬者悉傾囊濟之無吝其善行類如此

葛興

字應禎績溪人有學行由監生成化壬辰授山東濟寧州判官甫三載有惠政民謠爭頌魯王

聞其名大書德政二字道官費以旌之致仕歸時巡撫都御史侶鍾行郡訪其家贈以聯句云

一官清似水百姓重如山卒

年六十三所著有靜齋稿

葛潤

字孟寬幼失恃怙鞠於祖母陳氏既長竭力事陳一日陳病劇將絕潤剖胷割肉和粥以進遂

得愈鄉黨

敬異之

葛鏞

字文振為南京大理評事外系內嚴審于獄獄嘗鞠盜疑其寃以白寺長已而果獲真盜又有

丐者薛李二人共強亂良人婦婦被辱自經里人王亮奮義擊殺之吏逮捕引伏辜部皆允及

鏞閱案訝曰薛李罪不容誅亮為匹婦復憐情可原也竟免亮死他所辨雪多類此

葛浩

字天宏上虞人弘治進士累官廣東左叅政為人慈祥愷悌裁處繁劇大愜人心新寧盜起用

事者多殺降浩獲盜必多方審驗淑慝詳明民多賴之後浩官至大理寺卿子木登進士第人

以為不殺之報云

葛嵩

字鍾甫無錫人弘治己未進士歷給事中

葛恒

字志貞無錫人正德戊辰進士歷叅政

葛覃

磁州人正德進士

葛桂

上海人嘉靖進士

葛守禮

字與立德平人嘉靖己丑進士歷官南京禮部尚書家居十五年隆慶初改為刑部尚書

都察院右都御史贈

太子少保謚襄簡

葛縉

字仲榮昌邑人嘉靖乙未進士歷兵部左侍郎

葛廷章

字朝憲蘭州人嘉靖戊戌進士歷副使

嘉靖丙辰進士葛邦典字敘卿常熟人歷汝寧知府

嘉靖丙辰進士葛綸字理卿崑山縣人歷西浙運使

筮

音姐今建州多此姓

宋

筮深

建平人舉進士

筮葵

廣濟人登科

明 筮惟芳

建昌人洪武年任增城縣主簿

筮貴

字廷相桐城人景泰庚午舉人任沂州知州

筮經

江寧人天順中任訓導

嘉靖乙丑進士筮東光湖口人給事中
隆慶庚午應天舉人筮守心桐城縣人

達

州名八凱叔達之後

北 達震

字猛畧代人武平初華州刺史導民訓俗頗有治方

宋

達煥

開禧間袁州教授

達惠遠

南城人嘉定進士

明達兼善

西城人元蘭臺御史洪武初欲復其官力辭

達貫道

句容人洪武中以賢良任知縣

達旺

應天人永樂進士

達泰

麗水人舉人成化中知興國縣事廉勤剛果上下相孚禦寇有備勞不及民

達毅

字士弘丹徒人成化進士歷郎中

達雲

溧陽人弘治舉人任府同知

達其道

字行甫任縣人嘉靖己未進士歷提學副使

脫

見纂要

明脫因

星子人洪武中任廉州知府

脫英

字文璧龍城人舉人宣德中任雲都縣訓導

脫綱

四川遂寧縣人脫列伯之孫先任杭州前衛指揮同知正統九年陞浙江署都指揮僉事十四

年征勦處州等反賊累立奇功尋與賊對敵陷沒景泰間褒陞一級仍遣官諭祭子英襲授指揮使又與英都指揮僉事

嘉靖中鞏昌府同知脫鎬直隸新河人湖州府有脫姓

薩

元薩天錫

幼時僑寓孝感博學能文登泰定進士知襄陽縣終燕南道廉訪司照磨

明薩琦

字廷圭閩縣人宣德中進士入翰林為庶吉士為人耿介持正學有源委授編修預修仁廟實

錄陞禮部右侍郎兼詹事府少詹事卒于官

榻

音達望出南越

明榻明德

字志學保昌人洪武乙丑入胄監性至孝歷分宜海寧龍湯三縣皆有聲遷寧國知府專

務以德化民不尚刑罰後坐逮降刑部主事

榻敏

清遠人弘治貢士

搭

明搭恩

衡陽人宣德中任教諭

末 本姓秣今秣陵是也因避難改為末

秣 秣陽國名以國為氏

适 南宮适之後以名為氏

刺 郎達切漢燕刺王之後

渴 見姓苑

奪 見姓苑

掇 見姓苑

薛 見姓苑

奎 音維見直音

八點

滑 下邳商音滑伯周同姓國也為晉所滅以國為氏又

周 滑羅 鄭大夫

漢 滑興 為詹事

滑延年 邢州人

唐 滑漢 堂後主書

滑廣 萬年尉

宋滑明之

乾道二年知瑞安縣事

滑泉

崑山人武定州訓導

滑居俞

濟州人

滑壽

字伯仁往來鄞越居虞姚間最久人皆稱之曰櫻寧生初學醫于王居中受素問難經進請其師曰二書篇次無緒益錯簡多矣遂類抄手注而讀之又究夫十二經走會屬始終流輸交別之要所著又有讀傷寒論鈔診家樞要痔瘻篇及聚諸書本草為醫韻皆有功後學所至人爭延致以得診視決生死為無憾壽無間貧富皆往治報不報弗較也遂知名吳楚間在淮南曰滑壽在吳曰伯仁氏在鄞越曰櫻寧生云

明滑景

太倉州人永樂間弋陽縣知縣

滑浩

餘姚人成化進士歷南昌知府

滑撫

西安人嘉靖戊子解元

滑參

河南人嘉靖舉人夏邑知縣

萬歷間山西澤州府同知滑盤清苑人
開山東夏津縣典史滑弦餘姚人

察

三國察戰

吳將軍使交趾討叛使李興

元察罕

西域人博覽強記通諸國字書仁宗時累官叅知政事得大臣體暮年居德安白雲山別墅以

白雲自號嘗入見仁宗望見曰
白雲先生來也其被寵遇如此

明 察文質

肇慶人宣德中
邵武府同知

察童

陳州人正德中貢士任朝城知縣志
稱其才具通敏政多善舉遷府同知

頡 蒼頡之後

上 頡衛賢
古 頡衛人

明 頡文林

壽陽人永
樂舉人

頡居簡

代州人永
樂舉人

頡質

易州人正統
中任知縣

頡宣

平定州人弘治中趙州判官

捌

羌人以已為捌

南

捌思

護羌校尉

明

捌忠

石屏州人宣德中任利港巡檢

八

明八通

江寧人正統中以坐免任禮部主事

撒

明撒仲謙

和州人洪武舉人

撒明

山陽人洪武間
清江縣知縣

撒祥

高郵人永
樂進士

撒俊

大同人貢士成化間知醴
泉縣歷九載剛果如一

茁

見姓苑

軋

見姓苑

殺

見姓苑

萬姓統譜卷一百十七

欽定四庫全書

萬姓統譜卷一百十八

明 凌迪知 撰

入聲

九屑

薛

河東徵音黃帝二十五子一為任姓裔孫奚仲居薛
至仲虺為湯左相代為侯伯歷三代凡六十四葉周
末為楚所滅公子登仕楚懷王賜沛邑為大夫
遂以國為氏又河南官氏志叱于氏改為薛

周

薛居州

子謂居州善士也使之居于王所在王所者
長幼卑尊皆薛居州王誰與為不善見孟子

薛炬

秦客善
相劒

欽定四庫全書

漢光武紀
卷一百十八

漢

薛廣德

字長卿沛國相人嘗以魯詩教授楚國龔勝龔舍師事焉以蕭望之薦累官至御史大夫

廣德溫雅有醞藉及為三公直言諫諍後乞骸賜安車駟馬黃金而歸縣其安車傳子孫

薛宣

字顯君郯人累官御史中丞數言政事便宜舉奏部刺史郡國二千石所貶退稱進白黑分明

出更外任皆著政績後為丞相封高陽侯

薛惠

宣之子始為彭城令宣從臨淮遷至陳留過其縣橋梁郵亭不修宣知惠不能留彭城數日案

行舍中處置什器觀視園菜終不問惠以吏事惠自知治縣不稱宣意遣門下掾送宣至陳留令掾進見自從其所問宣不教戒惠吏職之意宣笑曰吏道以法令為師可問而知及能與不能自有資材何可學也衆人傳稱以宣言為然

薛方

字子容齊人嘗為郡掾祭酒徵不至王莽以安車迎方方辭謝不允曰堯舜在上下有巢由今明主方隆唐虞之德小臣欲守箕山之節也使

者以聞莽說其言不强致方居家以經教授喜

屬文著詩賦數十篇光

武即位徵之方道病卒

薛漢

字子公淮陽陳人世習韓詩父子以章句著名尤善談災異建武初為博士當時言詩者推漢

為長遷千乘

太守有異蹟

薛包

字孟嘗好學篤行喪母以孝聞父惑於後妻憎包分出之泣不去弟子求分財異居包中分其

財田地取荒頓者器物取朽敗者弟子破

產旋復賑給漢建元中公車徵拜侍中

薛歐

漢功臣高祖定十八侯位次歐第十四

欽定四庫全書

卷一百十八

三薛綜

字敬文竹邑人仕吳為五官郎中除合浦交趾太守官至太子少傅所著詩賦論難凡數萬言

子瑩孫皓時領少傅又為左

國史與華覈等共撰吳書

薛瑩

字道言累遷為選曹尚書太子太傅涉學既博文章尤妙同寮之中瑩為冠首

晉

薛興

仕為尚書右僕射冀州刺史安邑公卒謚莊文名天下其子孫為顯臣為名進士者代不乏人

薛強

字威明幼有大志懷軍國籌略與北海王猛同志友善猛薦於晉穆帝伐於陳川姚興聞而憚

之遣使重加禮命徵拜右光祿大夫七兵尚

書封馮翊郡公轉左戶尚書年九十八卒

薛兼

字令長丹陽人性素有器宇少與紀瞻閔鴻顧榮賀循齊名號為五雋初入洛張華見而奇之

曰皆南金也後領太子少傅自祖

綜至兼三世傳東宮談者美之

北南
薛安都

汾陽人少以勇聞宋武帝時隨柳景元克關陝為雍秦二州都統後為左軍將軍單騎斬

魯爽人比之關羽斬
顏良以功進爵為侯

薛真度

河東汾陰人真度始與安都南奔及從安都來降為上客太和初賜爵河北侯後降為伯

歷荊州東荊州刺史初遷洛後真度每獻計勸先取樊鄧後攻南陽故大為孝文帝所賞改封臨晉縣伯景明初豫州大饑真度輒表白別出倉米五千斛為粥救其甚者詔曰真度所表甚有憂濟百姓之意宜在拯恤歷華荊二州刺史入為大司農卿卒贈左光祿大夫謚曰莊

薛彪子

代人為魏內行長當官正直獻文時累官徐州刺史多惠政卒謚曰文

薛深

安都從子果敢有氣宋元徽末以軍功至驃騎將軍沈攸之之難豫章王疑夜登門呼深深驚

起率軍赴難除淮陰

太守尋為直閣將軍

薛雲

忻州人性嗜學不樂仕進隱於州西南二十五里繫舟山谷讀書自適以終其身今名其谷曰

薛雲

薛琚

字曇珍代人父彪子魏徐州刺史琚形貌瓌偉以有幹用為典客令每引見儀望甚美宣武帝謂曰卿風度峻整姿貌秀異後當升進何以處官琚答曰宗廟之禮不敢不謹朝廷之事不敢不忠自此以外非庸臣所及天平初拜七兵尚書

薛提

太原人皇始中補太學生拜侍御史遷晉王丕衛兵參軍冀州刺史封太原郡公有政績太武崩侍中和延等以皇孫幼沖宜立長君提曰皇孫有世嫡之重人望所繫廢所宜立而更別求

必不可為中
常侍宗愛所害

薛夏

字宣聲天水人博學有才太祖宿聞其名甚禮
遇之黃初中為祕書丞每與夏推論書傳未嘗
不終日也每呼之不名而謂之薛君夏居甚貧
帝又顧其衣薄解所御服袍賜之其後征東將
軍曹休來朝時帝方與夏有所咨論而外啓休
到帝引入坐定帝顧夏言之於休曰此君祕書
丞天水薛宣聲也宜
共談其見遇如此

薛端

字仁直汾陰人少有志操年十七司空高乾辟
為參軍以天下擾亂棄官歸鄉里周太祖徵為
吏部郎中

薛辯

字允白汾陽人父强有大志與王猛齊名辯倣
儻多大略所仕姚秦知其運衰遂棄歸後仕魏

立功平西將軍賜爵汾陰侯

孫湖篤志於學為河東太守

薛裕

字仁友端弟少以孝悌聞為丞相叅軍慕韋叟志安放逸不干世務嘗曰韋居士退不邱壑進

不市朝怡然守道榮辱不及何其樂也終洛州刺史

薛善

字仲良端之族曾孫也少為司空府叅軍家素富僮僕數百人兄元信仗氣豪侈每食方丈坐客恒滿弦歌不絕而善獨恭已率素愛樂閒靜文帝以善為汾陰令善幹用強明為郡稱最遷大丞相從事中郎

薛慎

字伯護善弟好學能屬文善草書少與同郡裴叔逸裴諏之柳虬盧柔李璨友善起家丞相府墨曹叅軍文帝於行臺省置學以慎為學師累遷禮部郎中

薛澄

字景猷汾陰人早孤家貧躬耕以養祖母有暇則覽文籍澄既羈旅不被擢用京兆韋潛度謂

澄曰君門第非下身材不劣何不曳裾數叅吏部澄曰世胄躡高位英俊沉下僚古人以為嘆息竊所未能也終日讀書手自抄將略二百卷惟郡守元襲時相要之澄與抗禮族人懷雋每勸之營產業亦恬然自處不改其舊普泰中拜給事中伏波將軍

薛謹

辨之子高才博學授河東太守後襲爵累建大功封涪陵郡公

薛世雄

字世英汾陰人以戰功累遷儀同三司右衛將軍性廉謹凡所以行軍破敵之處秋毫無

犯帝謂羣臣曰世雄廉正節槩有古人之風

薛寔

汾陰人西魏時領著作佐郎修國史累遷中書令後仕周以功進爵為侯時改物創制欲行周

禮賓等斟
酌詳定焉

薛麟駒

好讀書舉秀才除中書博士齊使至詔麟駒兼主客郎以接之贈河東太守謚曰宣

薛拔

謹之次子初之弟幼有器識崔浩見而奇之蓋吾人也擾動關右太武親討詔拔糾合宗卿壁

於河際以斷寇路事平除中散賜爵永康侯後改爵河東公卒贈左光祿大夫謚曰康

薛脣

拔之子少有父風拜中散襲爵鎮西大將軍河東公後除立忠將軍河北太守郡境多盜最為

校害脣初至即收其姦魁二十餘人一
時戮之其黨氣懾境以清肅卒謚敬

薛爽集

麟駒次子性通率隨舅李崇在揚州以軍功累至侍御史通直散騎

薛端英

爽集之子仕周文累遷吏部郎中性直不避權貴因賜名端典選雅有銓鑑惟盡賢才不

論門閥文帝多納其勸諫曰成我者卿也後以
議事不合出為蔡州刺史為政寬惠人吏愛之
轉基州蔡民請留者千餘人卒贈交城郡公諡曰質

薛湖

潘從祖弟少有節操篤志於學好以德義服人
或有兄弟忿鬪隣里爭訟者恐湖聞皆自改悔

化為敬讓官至本州從事別駕除河東太守

薛聰

字處智湖之子辯孫方正有理識後魏時為治
書侍御史彈劾不避強禦孝文寄以心膂每欲

進位苦辭不受魏主曰卿天爵自高非人爵所
能榮也子孝通博學有雋才累官常山太守

隋

薛衡

字玄卿汾陰人六歲而孤專精好學年十三
講左氏傳作國僑贊詞致清正見者奇之其

後才名益著河東裴獻目之曰自鼎遷河朔吾
謂關西孔子罕值其人今復遇薛君矣武成作

相召為記室及即位累遷太尉府主簿武平初
詔與諸儒修定五禮除尚書左外兵郎陳使傅
綽聘齊以道衡兼主客郎接對之綽贈詩五十
韻道衡和之南北稱美魏收曰傅綽所謂以餌
投魚耳待詔文林館與盧思道李德林齊名後
為煬帝所殺天下冤之有文集七十卷行于世
子五人收最知名

薛孺

道衡從父涉畧經史有才思有所賦詠辭致清
遠開皇中為侍御史揚州總管司空叅軍每以

方直自處蒞
官皆有能名

薛溫

字尼卿道衡兄沉敏有器局博覽墳典
尤善隸書仕周為上黃郡守以簡惠稱

薛胄

字紹玄端之子文帝時三遷為兗州刺史到官
繫囚數百胄剖斷旬日便了時人謂為神明

薛濬

字道頤，胄之從子。少孤，養母以孝。聞開皇中，歷

考功侍郎。帝聞其孝，賜其母几杖與服。四時珍

味，母喪，命鴻臚監護喪事，歸葬。夏，陽時隆，冬極

寒，徒跣霜雪中，自京及鄉五百餘里，足墮指凍。

朝野為之痛傷。州里賙助一無所

受。尋起，令視事，竟不勝哀而卒。

薛舉

金城人，容貌魁偉，武敢善射，殖產鉅萬，好結納

邊豪為長雄，大業末，與子仁果起兵，自號西秦

霸王，仁果多力善騎

薛士通

義興人，初仕為鷹揚郎將。江都亂，與州民嬰

城拒賊。武德初，自歸，授東武州刺史，平輔公

祏，封臨汾侯，終

薛譚

學歌於秦，青自謂盡之矣。辭去，秦餞於郊，撫節

悲歌聲振林木，響遏行雲。譚乃謝終身不敢言

歸

唐薛頤

滑州人善天步律歷太宗為築臺觀九慶山號曰紫府拜頤太中大夫往居之每所上災祥與

李淳風

合馬

薛登

義興人父士通隋鷹揚郎將江都亂與州民據城拒賊唐初自歸授東武州刺史平輔公祐封

臨汾侯登貫文史善議論為左輔闕累上疏言皆切中官至御史大夫僧慧範怙太平公主勢

登劾奏反為所構出為岐州刺史

薛大鼎

字重臣汾陰人高祖時為山南副大使開屯田以實倉庫遷滄州刺史浚渠通商民歌曰

新溝通舟楫利屬滄海魚鹽至昔徒行今騁駟美哉薛公德滂被

薛收

字伯褒道衡子受學王通唐初為秦王府主簿從討王世充及平劉黑闥收為書檄露布或馬

上占辭該敏如素構後封為汾陰侯子元超九歲襲父爵高宗朝拜為中書令

薛元敬

少與從父收族兄德音齊名世稱河東三鳳唐初為天策府記室叅軍又與十八學士之

選後除太子舍人專掌文翰

薛仁貴

龍門人應募征遼白衣陷陣立奇功太宗曰朕不喜得遼東喜得虜將累官左武衛將軍

封河南縣男子訥訥子徵並羽林將軍暢金吾將軍

薛萬均

本燉煌人與弟萬徹等客幽州事從李靖討吐谷渾又副侯君集討高昌皆有功貞觀中

封潞國公萬徹及萬淑萬備俱以戰功顯為時名將萬淑封梁國公萬備有志行居母喪廬墓

三年太宗詔表其門任至左衛將軍

薛元起

收子九歲襲爵嘗曰吾有三恨不以進士第一也不娶王家女二也不得修國史三也高

宗朝拜中書令

薛烈

字定方自武鄉徙始平驍悍有力從李靖襲突厥遷左衛中郎將與程名振討高麗破之拜右

屯衛將軍臨清縣公又擊破賀魯以獻策功拜驍衛大將軍

薛獻

定州刺史朝京師太宗詔朝集使刺史以上升殿親問之曰卿等在州何以撫教獻對曰老者

存恤之少者勸誠之荒田漸闢產業既振禮義漸興此皆聖化所致非臣之力帝曰如公所奏足稱循良清淨為政朕所望於公等也

薛訥

仁貴子為藍田令有富商倪氏於御史臺理其私債中丞來俊臣受其貨財斷出義倉米數千

石以給之訥曰義倉本備水旱以為儲蓄安敢絕衆人之命以資一家之產竟報上不與其後

突厥入寇河北則天以訥將門使攝左武威衛將軍卒贈太常卿諡曰昭定訥沈勇寡言臨大

敵而益壯

薛元紹

牧子高宗即位數上書陳當世得失帝嘉納轉中書舍人弘文館學士上元初帝校獵溫

泉諸蕃酋長得持弓從元紹奏夷狄野心而使挾兵園中非所宜帝從之

薛振

龍朔初為饒州刺史在郡一年以神明馭下北岡產芝草郡人以為瑞為立芝亭

薛從

濮州刺史儲粟二萬斛備凶災及山東大水得賑民饑

薛能

字大拙汾州人會昌六年登進士咸通中以監郡攝嘉州刺史政暇多題詠著江山集造朝累

遷至工部尚書能政嚴察絕私謁癖于詩日賦一章有許昌集十卷行于世

薛李景

龍門人則天初上封事解褐拜監察御史頻按制獄稱旨累遷御史中丞萬歲通天元年

夏官中郎侯味虛統兵討契丹不利奏言賊徒熾盛常有虵虎導其軍則天命李景按驗其狀

使為河北道按察使李景先馳至軍斬味虛以

聞久視元年李景自定州刺史入為雍州長史

威名甚著前後京尹無及之者神龍初以預誅

張易之兄弟功加銀青光祿大夫拜戶部侍郎

薛戎

字元夫寶鼎人年四十不仕客陽羨山觀察使辟署不就自放江河間後因藩府交奏為河南

令累遷浙東觀察使

所部苛禁悉弛之

薛放

戎弟端厚寡言穆宗寵待尤至帝嘗問朕欲學經與史何先曰六經者聖人之言史記道成敗

得失然謬於是非六經比又曰安得其要放曰論語六經之菁華孝經人倫之本

薛萬徹

萬均弟授車騎將軍武安縣公從李靖討突厥以功進爵為公太宗嘗曰當今名將唯李

勳江夏王道宗及萬徹三人而已

薛平

字坦途年十二刺磁州宰相杜黃裳擢刺汝州有能聲授鄭滑節度使數戰有功始河溢瓠子

東泛滑距城纔二里所平按求故道出黎陽西南因命其佐裴弘泰往請魏博節度使田弘正弘正許之乃籍民田所當者易以它地疏道四十里濶六十步深丈七尺以殺水悍還孺田七百頃於河南由是滑人無患入為左金吾衛大將軍未幾復帥鄭滑

薛謙光

睿宗時拜御史大夫時僧慧範恃太平公主權勢逼奪百姓謙光將加彈劾奏或請寢之

謙

光曰憲臺理冤滯何所迴避朝彈暮黜亦可矣

薛愿

天寶末堅為潁川太守安祿山反南陽魯炁表堅為長史而以愿為太守共守潁川賊攻之急

二人死守久之糧乏援絕城陷而死

薛昱

清源太守以清德著郡人歌云郡號清源官有清德

薛伯高

道州刺史除穢革邪數和于下考民風禁淫祀黜非類斥象祀明罪行於鬼神愷悌達於

蠻夷

薛景晦

道州刺史居郡大理至於無事劉夢得書云兄出中臺守江華人咸曰函牛之鼎以烹小

鮮

薛元賞

京兆尹捕治禁屯軍怙勢者民賴以安弟元龜亦嘗尹京兆精於吏事

薛景先

陳倉縣令楊國忠敗妻子奔陳倉景先捕誅之後以檢校戶部尚書兼鳳翔尹

薛稷

字嗣通道衡曾孫屬文如良金美玉書畫皆名天下舉進士累官禮部郎中更歷兩省景龍末

為諫議大夫昭文館學

士睿宗朝封晉國公

薛播

河中寶鼎人父元暉什邡令以播贈工部郎中播天寶中舉進士補校書郎累授萬年縣丞武

功令殿中侍御史播溫敏善與人交李栖筠常哀崔祐甫皆引擢之及祐甫輔政用為中書舍

人出汝州刺史以公事貶泉州刺史尋除晉州刺史河南尹遷尚書左丞轉禮部侍郎兄弟七

人皆擢進士第
為衣冠光輝

薛令之

字珍君福安人神龍初舉進士開元中為左補闕兼太子侍讀題詩于壁曰朝旭上團團

照見先生盤盤中何所有苜蓿長闌杆飯澁匙
難綰羹稀箸易寬只可謀朝夕何由度歲寒
玄宗東宮幸見馬索筆續之曰啄木嘴距長鳳皇
毛羽短若嫌松桂寒任逐桑榆暖令之因謝病
東歸玄宗聞其貧命有司資其歲賦令之量受
不肯多取肅宗即位思東宮舊德召之令之已
逝矣嘉歎其廉旌其鄉曰廉村水曰廉溪

薛闕

闕

為人骨鯁有志官至太子司議郎有闕
為文亦自傷不逢因著古興詩云投闕

疑抱玉但垂泣之句怨情頗深良可闕
出門詩南山別業長門怨等作咸有思

致

薛珏

字溫如河中人乾陵令以清白聞課第一遷楚州刺史德宗命使者分諸道黜陟趙贊盧翰等交薦之拜中散大夫

賜金紫除司農卿

薛存誠

寶鼎人中進士第憲宗時累官御史中丞浮屠鑒虛倚宦豎為姦坐事下獄存誠窮劾之

贓數十萬有詔釋之存

誠不敢奉詔虛卒抵死

薛苹

寶鼎人七世祖道實隋禮部尚書父順為奉天尉苹為長安令歷號州刺史憲宗時以治行遷

御史大夫後

封河東郡公

薛存義

河東人憲宗時為零陵令早作夜思勩力勞心訟者平賦者均柳子厚贈之

薛伾

勝州刺史渙之子尚父汾陽王召置麾下著名於諸將間左僕射李揆使西蕃伾為將從役時

賊泚之難昆夷赴義伾馳騎鄉道至于武功擢

授左威衛將軍使絕域者前後數四累遷左金

吾衛大將軍檢校工部尚書兼將作監出為廊

坊觀察使元和八年卒于官贈潞州大都督

薛庠

穆宗朝擢第時李宗閔與貢舉取庠及唐冲哀都等皆知名之士世謂之玉筍

薛廷老

字商叟存誠子登進士第諱正有父風寶歷中為左拾遺帝政日僻嘗與舒元褒李漢入

閣論奏帝作色變曰興作何所元褒不能對廷

老曰臣等以諫為職有聞即應論奏然見外輩

材瓦絕多知有

所營帝曰已諭

薛逢

字陶臣河東人會昌中與楊收王鐸同年登第累遷巴州刺史人歌曰日出而耕日入而歸吏

不到門夜不掩局有孩有童願以名垂何以字之薛孫薛兒晚年厄於宦途策羸馬赴朝值新進士綴行而出前駐曰回避新郎君逢曰莫貧相阿婆三五少年時也曾向東塗西抹來

薛昭緯

存誠子乾寧中為禮部侍郎貢舉得人文章秀麗為崔胤所惡出為硤州刺史卒

五代薛崇譽

曲江人善孫子五曹算仕南溪歷官至開封儀同三司簽書點檢司事宋太祖遣師克廣

州崇譽義不降後被執死之

薛懷讓

太原人勇敢善戰闕仕漢開安國軍節度使周封杞國公懷讓好畜馬馳及罷節鎮猶有

馬百匹馳二十頭傾資以給芻粟朝夕閱視為娛

薛融

平遙人博通典籍仕唐為太原幕府累官至右丞

薛溫

錢塘人漢乾祐中吳越王俶遷廢王侑於錦衣軍私第遣溫將兵衛之胡思進屢語於俶殺侑

不許又謀於溫溫拒之思進乃夜遣方安等二人踰垣而入溫率衆救之斃安等於庭中俶獲

全後累官鎮國都指揮使睦州刺史卒謚正顯

宋

薛居正

字子平浚儀人好學有大志舉後唐進士仕周累官刑部侍郎宋初遷門下侍郎平章事

太宗時進司空居正性孝行純為相任寬簡不好苛察子惟吉涉獵書史官至領軍大將軍

薛超

平城人少有勇力乾德初應募為虎捷卒從崔彥進伐蜀以功補虞候太宗時累遷至天武指

揮使又從征太原及禦契丹遷神衛軍都校後領澄州團練使

薛映

字景陽唐中書令元超公世孫為監察御史知開封縣太宗召對謂左右曰映賢士也除江南

轉運使

薛惟吉

字世康居正假子居正妻妬悍無子養惟吉

愛之篤與京師少年追逐角抵蹴鞠縱酒不謹又好音樂與伶人遊居正不能治蔭補西頭供奉太祖即位三相子皆超擢惟吉以不習文故為右千牛大將軍及居正卒太宗親臨存撫其妻因問不肖子安在頗改行否恐不能負荷奈何惟吉懼赧自是盡改故態時論翕然稱之上知其改行令知澶州歷遷左領軍衛大將軍後移知延州未行卒惟吉既改過能折節下士輕財好施所至有能聲

薛田

河東縣人少師種放與魏野友善進士起家歷知河南府天曹軍益州累遷右諫議大夫知延同二州卒田性和厚初以幹敏數為大臣所稱

薛奎

字宿藝正平人舉進士第一乃推里人王嚴而處具下仕為隰州推官能辨疑獄歷官樞密直

學士知益州仁宗時叅知政事卒謚簡肅奎性剛不苟合遇事敢言猶能知人

薛顏

字彥回萬泉人舉三禮中第歷河東陝西轉運使河中浮橋歲為水所敗顏上流為支渠以殺

水怒因取渠水溉田民頗利之仁宗即位遷給事中

薛據

字叔容平陽人性明敏有志于學弱冠名譽已彰諸老爭相延致嘗采諸子百家裨官緯紀之

書輯孔子集語二十卷又摭古今輔相經畧開濟之業萃為宅揆成鑑一編二書既成中書舍

人劉克莊祕書監謝子強見而愛之率同列進之朝畧云藩垣置筆華皓不衰上可裨乙夜之

覽觀次可實崇文之藏貯其為時賢賞激如此

薛半千

字子中漳浦人天性孝友母病嘗藥視膳割股以進伯兄亦錫血以調藥仲兄焚香於頂

薛向

字師正顏之孫制置解鹽兼提舉買馬又歷知數州皆有能聲元豐初同知樞密院事卒諡恭

薛奕

字世顯興化縣人熙寧九年武舉第一時同郡徐鐸亦冠文科仁宗賜以詩有一方文武魁

天下萬里英雄入彀中之句後死於國事贈防禦使

薛昂

杭州人元豐八年進士昂寡學術崇寧初歷太學博士拜翰林學士兼大司成後改刑部

薛良顯

字貴勤瑞安人崇寧進士累官大宗正丞出為江東轉運使江寧軍校作亂良顯聞變率

衆與戰斬十餘級力不勝死之事聞贈忠愍

薛弼

字直老永嘉人政和中進士金人入汴李綱定議堅守衆不悅弼同綱意圍解遷光祿丞後為

湖廣通判畫策贊岳飛討平羣寇累遷敷文閣待制

薛慶

永州天長軍鎮撫使金人欲北歸會兵攻楚州郭仲威與慶約俱往逆敵既而仲威不至慶與

金人遇轉戰數十里墜馬為金追騎所覆而死

薛朋龜

字彥益鄞人政和八年進士授仙居縣尉值歲饑道殣相望剽掠四起朋龜請於郡發粟

賑之民多所全活改楚州司錄適靖康之變楚師勤王者歸道州境郡守薄其犒輒鼓譟為亂朋龜急走軍中諭以禮法軍始帖服擢監行在登聞檢院兼權工部郎中守正不阿彈劾權貴

人一時皆為避去後知衡州致仕與汪思溫等結社林下後進多從之考問德業稱為四明五

老云

薛良貴

字貴全瑞安人居白門初名天球字次公入太學坐元符上書議朝政謫籍後改今名登政和第終朝議大夫知光州復州贈通奉大夫宣和方寇犯城與兄良顯率鄉民控扼要害邑

賴以全

薛徽言

字德老永嘉人建炎初進士紹興初以監察御史宣諭河南後遷起居舍人時秦檜與金人議和徽言上疏與檜反覆固爭於帝前子季宣博覽精思累官大理正知湖州所著有書經

訓義

薛開

字彥明徽言族子宣和末俞冠猖獗開與兄閻閻及閻子居寶謀白郡將預計守禦弗許乃與

里人鮑若雨包汝諧議鳩財積穀陰計里少年族子弟分番自保時教授劉士英與石礪畫城為八界率義民以守之開自與閻守城南之西隅而使居實總其綱冠之薄永泰門城居實彎弧開擲槊從兄謹言奮撾斃其先登者冠遂退開夜縋引隊士斫其營冠棄寨去事平不言功鄉人高之

薛良朋

隆興二年以左朝奉大夫直顯謨閣轉運副使知臨安府乾道初尋以警戒盜賊究心職

事除直龍圖閣明年除權工部侍郎

薛珩

字景行興化縣人紹興進士第歷湖北憲司檢法官嘗疑鼎州所上盜十餘人不當死輒以去

就之已而辰州果獲真盜憲臣驚服交章薦之
珩前後四為法官平反全活者百餘人官至梅
州守弟璆由特科監廣西西南道場有鬻鹽六
萬斤者吏捕以告法應受賞璆曰刑數十人而
易京官吾不忍也以十之一聞有司餘陰
令投之水犯者得輕坐終南恩州推官

薛嘉言

字獻可永嘉人性謹朴嗜學為文立成父強
立奇之曰吾居官無暇日進諸弟以學爾事

也由是益不怠以身先之既而兄弟相繼登科
閭里榮之靖康末聞汴京失守一日忽與季弟
言不告而去家人尋訪不獲搜奩器失一金珥
仲弟弼曰必從步往京師赴難為路資耳此臣
子職也居數日果自括以書報去志既至臨
安聞高宗即位乃歸終司封郎中知台州

薛叔

似字象先永嘉人乾道中進士為補闕首陳建
中用中執中之說欲躋斯民於三代之隆官

至兵部尚書

卒諡文節

薛九齡

知敘州吳曦叛於蜀九齡鳩財治兵卒討平之

薛可先

知城固有文學率吏民拒寇修水利溉田民懷其德

薛師石

字景石永嘉人弼曾孫卓犖有大志遇寒生窶士隨所有勉與之築室會昌湖上會友酌

古今談世務善楷及篆隸書名家祖父墓碣有不得其書者為恨尤工於詩有瓜廬集

薛安靖

以父奕死事補官靖康初假河北制置使京城失守安靖降金知海州事紹興初乘間殺

其守將舉郡來歸高宗遣吏部侍郎傅崧卿賜以璽書其畧曰身雖屈於金人心常存於王室總領義師恢復故地凡陷沒之郡聞風響應各籍土地奉上本朝者實汝有以倡之也以宗室

女妻之紹興五年除武節大夫業州刺史閭門
宣贊舍人知全州兼充本州沿溪洞事都巡檢

使

薛舜俞

字欽父同安人早工文藝登進士教授南劍
州晚年問學淹貫為文長於表啓有文集三

卷百餘

薛舜庸

字惠父繼其兄舜俞登第調龍溪尉以賞改
分寧丞知古田縣前此豐民牛死輸錢于官

舜庸嘆曰民不幸失牛又責其財是重困也立
命除之增邑庠廩建閣藏書以惠生徒通判

興化

軍

薛洽

字子周永嘉人在太學所交皆名士會齋舍疫
作鮑粹然疾尤篤同舍皆棄去洽獨移臥具與

俱蚤夜治藥餌謹視之三月乃愈粹然每告人曰子周生我登淳熙第終通判邵武軍

薛高

字寧仲永嘉人任蓮丞簿棄官而隱讀書作文至老不休家有讀書樓郡守樓鑰為之記陳謙

贈之詩有萬卷編抄高似屋一門師友重如山之句

薛紹

字承之永嘉人乾道間登第慶元初歷守真州有政聲當是時有女媪流涕自言其祖為先朝

諫臣偶墮落至此無面目見天日紹物色其世良是亦流涕優與金帛內子捐簪珥擇士人嫁之

薛李宣

字士龍六歲而孤伯父待制公收鞠之志尚卓犖與常兒異孝宗朝為大理寺丞虞允文

白遣宣行淮西收撫流民宣持節勞來耄稚滿車下為之表廢田相原隰以戶籍稅以丁頌田

合三千八百餘

戶除大理正

薛元鼎

字叔雲幼警敏四歲日誦論語數百字登紹興三十年進士初調惠州教授歷任提舉浙

西路加直祕閣上喻元鼎曰以卿輔導東宮勞甚特畀道山寓直之寵被旨相

御舟沿江上下盡得江流曲過之狀奏開

運河五十四里為公私之便及戶部左曹郎官

時有長戶部者獻貢籍之闕元鼎被旨往秀州

欲以一州歲計綜覈其贏縮以為天下準平議

者以為此法果行民受其病元鼎至秀州還以

其所詳究本末源流數奏曰但見郡縣窘束不

見有餘於是上可具請曰卿真實才而物議亦

愈歸重頃之除吏部尚左郎官遷起居郎兼太

子左諭德上益嚮用之而元鼎有母之喪

復喪歸以病卒有講義并詩文集藏於家

薛極

字會之武進人以蔭調上元主簿中詞科累官兵部侍郎嘉定中嘗疏奏願以今日遇災警懼

之心永為異時暇逸之戒後賜同進士出身累遷知樞密院事兼叅知政事封毘陵郡公端平

中加少保和國公致仕

薛紱

龍游人幼穎悟日誦萬言舉進士為成都教授累遷祕書郎因陞對極言韓侂冑之姦坐劾去

之與魏了翁講明易學者則書十卷了

翁歎服不逮號符谷子諸經各有解

薛天生

晉陵人其母罹艱棘嘗蔬食天生亦蔬食母未免喪而逝天生終身不嗜魚肉建元三年

表之

薛寔

字持志昌國人少有文及長以聖人執權賦領鄉薦調衡陽簿時史彌堅帥湖南一日冠起黑

風洞檄寘往撫諭將至有道其姓名者其首曰
非四明作聖人執權賦之薛寘邪遂投戈而退

金薛繼先

河東人金末隱居洛西山中課童子讀書事
母孝所居化之御史石玠行部過繼先繼先

不之見或問故先曰今時政未必皆善御史一
有所劾將謂自我發之他日并隣必有受其禍
者子純孝有父風

元

薛大猷

湯陰人早中甲科棄而不仕隱居
教授學者多宗之有四書講義

薛觀

字景荀鄆人在宋時聚族十指同居合食者五
世號義門薛氏觀讀書強記為詩文多不留藁

至治癸亥以書經試浙闈遂名賢書分教平江
之常熟復遷杭州教授累考補將仕郎主沅江
縣簿攝令事盜息民
安居而引年致仕

明薛敬

字原禮鄞人宋進士朋龜九世孫容儀魁偉稽古好修嘗典教象山秩滿調鄞時元政不綱退

隱于鄉以醫術自晦國朝公卿大夫凡蒞茲土者聞其賢必虛左以迎訪問時事

薛祥

字彥祥無為州人洪武初為京畿都曹使上以蕭何寇恂比之遷工部尚書在上前數直言全

活人輒以千計丞相李善長胡惟庸皆惡之左遷北平布政使有惠愛惡祥者謂天旱實祥有匿政已未春謫守嘉興愛民節用稱為循良惟庸誅召入見上曰姦臣每讒汝汝何不一言祥曰臣但自省何敢訴人復以為工部尚書

薛正言

字正言洪武初詔郡縣立學命采譽望士為學官所司薦正言以鄉人署訓導諸生皆鄉

子弟正言視之益親執經坐講席為辨析疑隱發揮宗旨諸生相聽受訢訢如也累官廣東叅

政應天

府尹

薛郁

清苑人洪武初由國子生歷官有守累陞陝西右布政使

薛嵩

閩鄉人慷慨負志操有治才洪武初累官大理卿謫廣西永樂初安南國王為黎季犛所殺其

孫陳天平自老揭來歸季犛子闕

還君之

上命廣西總兵官都督闕

五千送歸其

國中舉嵩為輔行至芹站

伏發劫天平嵩被虜死之

薛祿

膠州人洪武末年有佐命之功永樂初營建北京祿董其事復從征邊地宣德初從征闕定州

立戰功進太保陽武侯為將勇智兼備紀律嚴

明善撫士卒褒創赴闕有進無退故所嚮成功

卒追封鄴國

公謚忠武

薛貴

昌平人永樂中從征有功累陞都督僉事進封安順侯卒追封濱國公諡忠壯

薛斌

昌平人永樂中累立戰功進封永順伯子綬襲伯從征邊地沒于陣諡武毅

薛常生

字士容上虞人永樂丙辰進士歷郎中

薛瑄

字德溫山西河津人永樂辛未進士授御史忤宦振坐死正統十四年召起大理寺丞天順四

年召入內閣任至禮部左侍郎兼翰林院學士致仕天順六年卒諡文清隆慶中從祀文廟瑄學貴踐履不務論說辭受取與必揆諸義出處大節光明峻潔於富貴利達泊如也接人無大小衆寡待之以誠晚年造詣高明踐履篤實益至純熟國朝理學公為之最

薛理

歷城人永樂間進士授行人戶科給事中宣廟初中官驕橫理論劾剴切尋授衡州知府有惠

政嘗捐俸資給士之窮乏

者在郡數年以疾乞歸

薛恒

字履常無錫人峭直不阿宣德初舉任衢州府照磨陞蘭溪知縣卒

薛希璉

字廷器麗水人宣德庚戌進士任貴州道監察御史正統間巡撫江西才望大著嘗勸借

大庾南康上猶三縣義民出穀儲于義倉預備賑恤民甚德之累陞刑部尚書卒

薛綱

字之綱以進士起家拜監察御史巡按陝西其所建明皆邊防大計奉敕督學南畿學政振舉有聲望擢湖廣副使督學如初歷廣東按察使雲南布政皆善其職尋謝事歸綱簡直夷坦不

矯激而能持正為文醇雅所著有三湘集崧陰蛙吹等篇

薛遠

字繼遠祥子巢人正統壬戌進士授戶部主事歷南京兵部尚書遠敏而好學于禮樂兵刑天

官歷律無不涉其要尤熟國朝典故在戶部最久均劑出納一切報罷時論譴之嘗曰馭吏嚴刑以懲不若先事而發善革弊不若無弊可革人以為名言

薛穰

字有年鄞人宋知衡州朋龜十一世孫也性聰敏好問學成化壬午舉鄉薦授涿州知州涿俗

素强悍兼歲大侵盜賊四起穰至鋤強弭盜親問民所疾苦而醫療之發粟賑饑賴以全活者億萬計改知灤州灤故孔道徵發驛騷穰徵輸供億咸得其宜致仕歸橐不入私室置業與昆弟共之散其餘祿於鄉族力行善事日以粉簡記之倣古人黑白豆之意博學能文詩宗唐人書法學鍾王

薛格

字平甫江陰人少穎悟經史過目不忘弱冠領成化庚子鄉薦累試不第益肆力于學中弘治

癸丑進士選入翰林為庶吉士三年授檢討乞恩終養選吉士時內閣考題為中秋無月格一

聯云關山有調空聞笛鳥

鵲無聲倦倚樓人爭誦之

薛俊

字尚節揭陽人性孝友不事嬉游聞鄉人陳琨有理學往從之領弘治十七年鄉薦授連江訓導陞玉山教諭嘗師事王陽明有所得擢國子學正聞母喪奔至貴溪卒于邸廣信祀于名宦子宗鎰字子修亦師陽明登嘉靖二年進士初令貴溪調將樂更建陽政務大體百廢具興及徵為給事中言論激切觸忤

太宰竟杖死士人咸惜之

薛侃

字尚謙俊之弟天資穎悟未第時父病革侃輒嘗糞登正德十開年進士授行人嘗師事陽明及歸結廬全山之麓潮士多從之為閩里築堰修河實多倡議既遷司正疏請陸象山陳白沙

從祀學宮竟允象山白沙以本朝儒臣姑俟議
定侃又以早定皇儲疏上越日有旨廷鞠侃惟

自引咎不誣及一人竟坐落職歸
田居中離山講學自娛終年六十

薛當時

字與可順德人性穎悟七歲能詩長益肆於
學以古人自期待親老力貧為養一味之甘

必奉而後食提學僉事宋端儀以異才稱之嘗
荅東所張誦論心書曰心為氣主主於靜則靜

而靜未始不動主於動則動而動未始不靜
一動一靜互為始終要皆以敬為主誦善之

薛章憲

字堯卿少為諸生退學鄧賜之溪上洽聞博
物傑然稱古作者吳人都元敬讀其文擬之

如商彝周鼎性復喜佳山水興至輒一游其韻
悠然居賓坐中斂肱默坐又古貌瞿瞿人視之

儒者也所著有鴻泥堂
集行于世晚號浮休

薛鑒

字全卿起家進士性直履方不與時俯仰並仕

歷旌德績溪建平縣令約已戢吏鋤強剔蠹不能善事上官以就容譽敘遷至淮陽守當南北要衝利饒鹽貨又值宸濠之變武宗南巡鑒規畫斬斬聲稱日著轉都運使經度精確利便商竈當是時總督江彬太監邱得需索無厭鑒凜凜以身試虎口力為阻抑商民咸賴之尋以病乞休避跡城市以課子力穡為事東節勵行益窮達如一日云

薛蕙

字君采亳州人正德甲戌進士授刑部主事改吏部陞考功司郎中以議大禮去蕙行已峻潔表裏皎然質直寬簡不以人校然強介不屑隨人遇事直前以是去國蚤歲刻意為文晚乃潛心性命造詣深遠杳不可測

薛宗鎧

字子修揭陽人嘉靖癸未進士歷給事中

薛僑

字尚選揭陽人嘉靖癸未進士任編修

薛甲

字應登江陰人嘉靖己丑進士歷副使

薛應旂

字仲常武進人嘉靖乙未會試第二官至陝西兵備副使負氣節能文章以高第夙望督

學浙中伉直

不容于時

薛天華

字思素晉江人嘉靖庚戌進士歷布政

熨

見姓苑

宋 熨玄園

湘潭人咸平進士三臺御史

別京北徵音又望出天水皮列切出何氏姓苑

南北別浦山陰

唐別儻朝邑人安祿山叛尚衡舉義兵討賊署為牙將

宋別之傑郢州人嘉定初進士累官知江陵府湖北安撫副使進端明殿學士加兵部尚書淳祐中

為叅知政事寶元初卒贈少師

別全京北人

元別的因長七尺餘肩豐多力善刀舞尤精騎射士卒咸畏服之至元間為壽潁二州屯田使有虎食民妻其夫來告的因默然良久曰此易治耳乃立檻縛羊羔檻中以誘虎夜半虎果至的因

取射之虎死自
是虎害頓息

明別整

內鄉人洪武中
靈璧縣主簿

別紀

石首人天
順進士

別叢

河南孟縣舉人嘉靖
中為魏縣學教諭

折

齊大夫折父子之後

漢折象

字伯武廣漢人通京氏易好黃老言知世將亂
散父貲財周施親疎自知亡日召賓客九族飲

食辭訣

年八十

五折從阮

雲中人世為大族仕後唐為府州刺史歷周
漢為永安宣義保義靖難四鎮節度卒贈中

書令

宋

折德辰

從阮子為周永安軍節度使甚得蕃情乾道元年敗太原軍擒其將楊璘卒贈侍中

折御勲

字世隆德辰之子初權知府州事太祖以為永軍留後開寶初改為泰寧軍節度使

折御卿

御勲弟嗣知府州從太宗征河東拜永安軍節度使嘗大敗契丹後契丹來侵御卿力疾

出戰卒

于軍

折惟昌

御勲從子父御卿卒以兄惟正知府州事惟正歸朝惟昌繼之趙保吉寇麟州弟惟信戰

死

惟昌中流矢突圍出再與戰敗之累遷興

州

刺史弟惟忠嗣知府州累遷雲麾將軍

折惟忠

字蓋臣初以兄惟信戰沒補西頭供奉旋擢閣門祗候及惟昌卒以惟忠為六宅使知府

州歷簡州

團練使

折惟正

惟昌兄

折繼閔

字廣孝惟昌弟惟忠子嗣兄繼宣知府州事慶歷中趙元昊攻府州繼閔固守距之弟繼

祖嗣知州事奏乞書籍仁宗賜以九經後加解州防禦使

折繼祖

字應之惟昌子累轉皇城使成州團練使韓絳發河東兵城囉兀繼祖為先鋒深入敵障

降部落戶八百加解州防禦使

折克行

字遵道繼閔子嗣知府州事善附士卒每戰必勝夏人畏之在邊三十年戰功最多羌人

呼為折家父官至秦州觀察使卒子可大嗣知府州事

折可適

未冠有勇馳射不習而能補殿侍知渭州及鎮戎軍有武畧守邊威惠兼用夏人不敢入

冠

折可與

雲中人徽宗時同張忠輔守崢縣金人攻城急可與出戰不利被執不屈而死之

折彥質

字仲古可適子雲中人紹興中累官至僉書樞密院事初趙鼎為相屢薦彥質後秦檜專

相以彥質為鼎所引擢州安置自號蓀真居士

折克柔

繼閔子

折可大

克行子

明
折克恭

泗州人洪武中任中府斷事

折衝

神木人弘治舉人嘉魚縣知縣

列 亦作烈神農之世有列山氏子孫為列氏

晉 列和善吹笙協律郎

明 列文邦

固始人宣德中山西長樂縣丞

裂

周

裂繻

杞大夫

捏

明 捏經

河州人弘治中平鄉縣知縣

節

周禮掌節上士子孫以官為氏

明節鐸

平涼人正德間信
豐守禦指揮僉事

糴

音兆

周

糴茂

晉大夫

桀

見姓苑

周

桀溺

葉人避世隱居孔子過葉見長沮桀溺耦而耕
使子路問津焉長沮曰是魯孔丘與是知津矣
溺曰滔滔者天下皆是也而誰以易之輟而不輟

漢

桀龍

襄城侯

欽定四庫全書

卷一百十八

宋 樂路分

永州司馬

齧

上古齧缺

堯時賢人學於王倪見莊子

鐵

隋 鐵士雄

將軍

宋 鐵南仲

淮南人進士

元 鐵傑

湖廣叅政

明 鐵鉉

字鼎石鄧州人洪武中由國子生授禮科給事中歷山東叅議北平師起鉉督漕運未嘗乏缺

北平兵圍濟南悉力守禦令軍詐降開城門候
文皇入急下鐵板幾開攻圍三月不能克圍解
事聞遣使褒賜陞右布政使尋陞兵部尚書叅
盛庸軍務小河之捷中原震動文皇欲北還以
諸將言再戰遂得勝長驅渡江鉉感憤欲自裁
文皇登極鉉尚擁殘兵駐淮南已而擒鉉至不
肯屈又背立廷中令一顧終不可得割其耳鼻
亦不顧勞碎其體至死罵不絕聲時年三十七
子福安康安戍河池父仲名年
八十三母薛氏俱安置海南

鐵處義

會稽人知潛山縣有才幹器量廉明正直于
人不假借豪猾屏息維時桑麻蔽野民情欣

戴至今
思之

鐵迪

莆田人弘治中
任惠州府推官

鐵宗璧

蒲田人弘治中
任海豐縣知縣

鐵信

平涼衛人正德
貢士任知縣

鐵剛

咸寧人正德
中平和知縣

隆慶辛未進士鐵篆永昌衛人
萬厯間國子博士鐵世才雲南人

徹

元

徹里

徐州人曾祖塔齊從太祖定中原為馬步軍都
元帥里幼孤母教以書至元中世祖召見應對
詳雅悅之嘗奉江南省風俗訪遺逸
官至中書平章政事卒追封徐國公

僕

見姓苑

元
倂溪斯

崑山縣尹為政平恕凡境內忠貞孝義之事多所暴白時人賦崑山五詠以美之

倂文質

廣德路總管廉潔自持
興起學校民賴其德

倂列麓

字世德回鶻人兄弟五人俱登進士方伯表曰五桂坊紅巾亂起麓於潮州同妻子俱死

難

倂哲篤

進賢人延祐進士吏部尚書弟哲
堅至治進士英著朝善至正進士

倂玉立

溧陽人肅政廉
訪使延祐進士

倂壽

哲篤子翰林編
修至元進士

倂朝吾

同知
州事

明 俾斯

溧陽人吳元年以故官子徵起授尚寶司官嘗兩使高麗國出知河間府累官戶禮二部尚書

僕順

和州人宣德中任知縣

僕雲

雲南姚州人正德間湖州府學訓導

嘉靖

乙丑進士

僕惟賢姚州人

泄

周

泄治

陳人仕靈公時為大夫以諫而死

泄駕

鄭大夫

泄柳

魯穆公時人公就見之柳閉門而不內

泄鈞

平原君
家臣

漢
泄公

中大夫問貫
高明王不反

舌

周
舌庸

趙大夫
見左傳

悅
望出昌黎亦作說傳說之後以名為氏

五代
悅綰
昌黎人
左僕射

悅壽

尚書

悅真

清水侯

渫

上渫子賢人見

古渫子韓子

明渫昇山西人成化舉人任鄧州知州

蹠

周蹠錯衛臣

蹶

周蹶由王餘祭之弟

子

明子金

東昌人宣德中
任分宜縣知縣

藥

望出東莞姓苑云東莞藥本姓薛避仇改焉

結

見姓苑

孽

音業見直音

潔

見姓苑

藝

音業見直音

哲

見姓苑

設

見姓苑

迭

見姓苑

雪

見姓苑本朝洪武間吳江汾湖巡檢雪齋山西人

蔑

魯地名左傳盟于蔑

沫

音泄見直音



萬姓統譜卷一百十八

欽定四庫全書

子部

萬姓統譜卷一百十九
二十九

詳校官中書_臣徐志晉

主事_臣祁韻士覆勘

總校官知縣_臣楊懋珩

校對官中書_臣嵇承志

謄錄監生_臣陳瞻燧

欽定四庫全書

萬姓統譜卷一百十九

明 凌迪知 撰

入聲

十藥

郭

太原商音周文王季弟號叔受封於號或曰郭公因以為氏又望出華陰馮翊

周

郭隗

燕人昭王卑辭厚幣以招賢者隗曰王必欲致士先從隗始況賢於隗者豈遠千里哉昭王遂

改築宮師事之未幾樂毅鄒衍劇

辛之

傳歸燕從併強齊隗之力也

漢

郭憲

字子橫宋公人少師事東海王仲子時王莽專政召仲子憲諫曰不宜賤道畏貴及莽篡位拜

憲郎中賜以衣服憲焚之而逃光武時徵拜博士遷光祿勳嘗以諫諍不合伏地不拜帝曰嘗

聞闕東觥觥郭

子橫真不虛也

郭躬

字仲叔陽翟人家世衣冠父弘習小杜律為決曹掾斷獄無冤躬傳父業講授徒眾嘗數百人

累官至廷尉決獄多從矜恕終河南尹子孫至公者一人廷尉七人侯三人刺史侍中二十餘

人御史至

監平甚眾

郭鎮

字桓鍾躬之弟子少修家業初辟太尉府延光中為尚書順帝初以定策功遷尚書令封定頻

侯官至廷尉

卒謚昭武

郭巨

隆慮人家貧養母盡孝每供饌母必分與孫巨謂妻曰兒分母饌貧不能供子可再有母不可

再得乃理其子掘地三尺得黃金一釜上有
丹書曰天賜孝子郭巨官不得奪人不得取

郭泰

字林宗介休人容貌魁偉博通墳籍居家教授

弟子至數千人嘗遊洛見河南尹李膺膺奇之
遂與為友行嘗遇雨巾一角墊時爭效之故折

巾角其見慕如此及卒蔡邕為碑曰吾為碑銘
多矣惟郭有道銘無愧耳

郭解

軹人始以遊俠睚眦殺人後折節為儉以
德報怨厚施而薄望救人之命不矜其功

郭賀

字喬卿雒陽人祖堅伯父游君竝修清節賀光
武時尚書令晚習故事多所匡益拜荊州刺史

有殊政顯宗賜以三公之服敕行部
去襜帷使百姓見其榮服以彰有德

郭丹

字少卿穰縣人從師長安嘆曰不乘使者車終
不出關後仕更始為諫議大夫持節安集河南

果乘高車出關建武中吳漢辟為并州牧有清
平稱遷左馮翊永平初拜司徒在朝廉直公正
子字官至

常山太守

郭伋

字細侯茂陵人少有志行光武召拜雍州牧歷
漁陽潁川太守後調并州牧過京師上言選補

衆職當簡天下賢俊帝
納之後為太中大夫

郭昌

元封初以將軍將兵臨湏湏王降
及靡莫等國悉平尋叛昌復平之

郭晔

南陽太守明法
律政有名迹

郭欽

隴廩人哀帝時為丞相司直以廉直名王莽居
攝欽恥事之以病免官歸鄉里遁跡汧陽之境

臥不出戶

卒于家

郭亮

字恒直朗陵人童年游洛陽時太尉李固以忤梁冀被誅冀告戒有敢收尸者加其罪亮以固弟子自提鉢錢詣闕上書乞收固尸不許因往臨哭守喪不去太后聞而憐之乃聽遂殮歸葬

由是

顯名

郭玉

初有老父不知何出常漁釣于涪水因號涪翁乞食人間嘗見有疾者時下針石輒應時而效乃著針經診脉法傳于世

三國郭淮

字伯濟曲陽人舉孝廉仕魏累立戰功累遷征西將軍都督雍涼諸軍事終車騎將軍

郭成

字元禮富春人夙著節義梁扁舟泛五湖以書紉自娛吳黃武中徵拜武義校尉遷黃門侍郎後封永興富春二縣侯

郭嘉

陽翟人少有遠量深通籌畧達於事情曹操召見論天下事曰使孤成大業者必此人也表為司空祭酒屢從征伐有功及卒追諡貞侯

郭憲

西平人建安中署郡功曹韓約失衆從羌中還依憲衆人多欲取約以邀功憲曰人窮來歸我云何厄之後約病死田樂等就斬約頭送之魏王操欲條疏憲名憲不肯操嘆其忠義併與樂等賜爵關內侯

晉
郭琦

字公偉晉陽人少方直善五行作天文志五行傳註敕梁京氏易百卷趙王倫篡位欲用琦琦曰我已為武帝吏豈容復為今世吏終身隱居

郭誦

陽翟令阻水築壘且耕且戰石勒討賊至設伏破之

郭奕

字大業陽曲人少負重名山濤稱其高簡有雅量初為野王令太康中為尚書奕忠毅清直立

德不渝

謚曰簡

郭璞

字景純聞喜人博學高才工詞賦時有郭公者精卜筮璞從之遊得青囊中書由是洞知五行

卜筮之術占驗甚多撰洞林新林卜韻爾雅註數十篇又註三蒼方言山海經楚辭詩賦數十

萬言避地過江元帝重之以為著作郎

郭荷

字承休畧陽人六世祖整漢安順之世公府八辟公車五徵皆不就自整及荷世以經學致位

荷明究羣籍特善史書不應州郡之命張祚遣使者以安車束帛徵為博士祭酒使者迫而致之及至署太子反荷上疏乞還許之遣以安車蒲輪送還張掖東山年八十四卒謚曰玄德先

生

郭文

字文舉，軹人。少愛山水，尚嘉遯。恒著縻裘葛巾，採竹葉木實，質鹽以自給。後隨晉東遷，王導迎。

至西園，一旦忽求還山，未

幾，蘇峻叛人以為知機。

郭默

字彥雅，以屠沽為業，號勇拳捷，能貫甲跳三丈，塹人異之。曰：此兒必興。郭氏河內豪民，陸允以

女妻之。後事太守裴整為督，將與劉曜拒敵，授征虜將軍。

郭象

字子玄，河南人。少有才理，好老莊閒居，以文論自娛。永嘉中，辟司徒掾，稍遷至黃門侍郎，著碑

論十
二篇

郭舒

字雅行，順陽人。幼請其母從師，歲餘便歸。粗識大義，鄉人少府范晷宗人武陵太守郭景咸稱。

舒當為後來之秀終成

國器仕至梁州刺史

郭翻

字長翔武昌人庾亮嘗薦之不至咸康末乘小舟過武昌省墓庾翼躬造強起之不從又以船

狹欲引就大舟不可翼俯

屈入其舟中終日而去

郭希林

翻曾孫高志不仕徵召一無所就子蒙亦隱居不仕辟為主簿亦不屈

郭翰

姿度秀美乘月夜臥庭中空中一少女冉冉而下明艷絕代曰吾織女也上帝命遊人間尋擇

佳偶仰慕清風賴宿契經年一夕忽執翰手泣

曰帝命有程便當有訣以七寶枕一枚留贈履

空而

去

郭瑀

字元瑜仕魏為博士劉昞就之學瑀有女及笄欲求快婿持設一席曰誰坐此席者昞奮然坐

之遂以
歸炳

郭澄之

字仲靜少有才思機敏兼人仕晉調補尚書郎出為南康相劉裕引為右相叅軍從裕北伐

南
北郭文恭

太原平遙人仕為太平縣令年踰七十父母喪亡文恭孝慕罔極乃居祖父墓次晨夕拜

跪跣足負土培祖父二墓寒暑竭力積年不已見者莫不哀嘆上書聞奏表其門閭

郭彥

陽曲人少知名文帝臨雍州辟為西曹書佐累遷虞部郎中恭帝元年除兵部從柱國于謹南

伐江陵進驃騎大將軍開府儀同三司進爵為伯孝閔帝踐祚出為澧州刺史蠻夷生梗不營農業彥勸以耕稼人皆務本亡命之徒咸從賦役齊南安城主馮顯密遣使歸降其衆未之知

也彥率兵應接顯因得自拔其衆果拒戰彥縱兵奮擊並虜獲之以南安無備即引軍掩襲遂有其城晉公護嘉之進爵懷德縣公

郭世通

會稽人年十四喪父至哀家貧傭力以養繼母母亡負土成墳服除後思慕終身嘗與人共於山陰市貨物誤得一千錢追還本主主驚嘆以半與之世通委之而去元嘉四年散騎常侍袁愉表其淳行文帝嘉之敕榜門問改所居獨楓里為孝行里

郭原平

字長恭世通子也天性至孝養親必以已力傭賃以給父篤疾彌年原平衣不解帶父亡哭踊慟絕數日方蘇高陽許瑤之罷建安郡丞還家以綿遺之不受瑤之住謂曰今歲過寒而建安綿好以此奉若母耳原平乃拜而受之及母終毀瘠彌甚既葬墓前有田數十畝不屬原

平每至農月見耕者裸袒褻其墓墳原平輒往哭之乃買家資貴買其田宅常種竹夜有盜其筍者原平遇見之盜者奔走墜溝原平乃於所植竹處溝上立小橋令通又採筍置籬外隣里慚愧無復取者

郭祖深

襄陽人梁武帝溺情內教朝政廢弛祖深與

州雲騎將軍至州公嚴清刻搜檢奸惡所領皆精兵令行禁止威振遠近長江肅清

郭祚

魏晉陽人少孤貧姿貌不偉凡人莫之識有女

巫相祚後當貴祚涉經史尺牘文章並稱于世

後果為吏部尚書

郭衍

字彥文從武帝并州以功封強國公開皇五年知瀛州賑饑民上大善之授朔州總管

隋

郭世雋

字弘文文水人家門雍睦七世同居夫豕同乳烏鵲同巢時人以爲義感之應州縣上其

事高祖遣平昌公宇文弼詣其家勞問侍書御史柳或巡省河北表具門閭漢王諒爲并州總

管聞而嘉嘆賜其兄弟

二十餘人衣各一襲

郭榮

字長榮太原人高祖受禪拜太僕卿榮容貌魁岸外疎內密與交者多愛之

郭士

縣卒嘗隨王行遇一女在路王曰此女當生貴子君亦當生貴子可納之生汜字子游師事趙

孔曜孔曜偉之曰此子有公侯之骨也

郭絢

煬帝征遼東拜絢涿郡贊務吏人悅服遂遷通守及山東盜起諸郡無復完者獨涿得全

唐

郭孝恪

陽翟人少有奇節不治資產初仕李密密敗歸唐嘗進策平王世充竇建德柱國崑丘道

副大總管討
龜茲國戰歿

郭元靖

建昌人才兼文武隋末興兵保衛鄉閭後歸于唐以功累官度撫吉後隱于當陽山莫知

終所

郭知運

字達時瓜州人壯勇善射猿臂虎口以格鬪累功補秦州三度府後遷中書令仍拜左武

衛大將軍討康待賓自居西陲甚為蕃夷所憚子英傑英乂相繼為左衛將軍

郭震

字元振貴鄉人少有文才為太學生家嘗送資錢數十萬會有哀服者自言五世不葬願假以

治喪震舉與之無吝年十八舉進士為通泉尉景雲初拜同中書門下三品後封代國公

郭正一

鼓城人貞觀時由進士歷弘文館學士永淳中遷中書侍郎正一執政日久明習故事文

辭詔救多

出其手

郭翰

以御史巡察隴右多所按劾次寧州時狄仁傑為刺史民爭言有異政翰謂僚屬曰入其境其

政可知願薦使君美於
朝母久留即命駕去

郭虔瓘

歷城人開元初累遷右驍衛將軍兼北廷都護明年突厥默啜子同俄持勒圍北廷虔瓘

飭壘自守同俄單騎馳城下勇士阻道左突斬之虜丐降以功授冠軍大將軍封潞國公

郭山惲

河東人少通三禮景龍中累遷國子司業時中宗數引近臣及修文學士與之宴集嘗令

各效伎藝以為笑樂工部尚書張錫為談容娘舞將作大匠宗晉卿舞渾脫左衛將軍張洽舞

黃麋左金吾衛將軍杜元琰誦婆羅門呪給事中李行言唱駕車西河中書舍人盧藏用效道

士上章山惲獨奏曰臣無所解請誦古詩兩篇帝從之於是誦鹿鳴蟋蟀之詩帝嘉之

郭子儀

字子儀華州人自武舉補左衛長史累遷同平章事平安史之亂功居第一加司徒封代

國公以身繫天下安危者二十年校中書令考二十四代宗號為大臣而不名德宗賜號尚父封汾陽王謚忠武八子曜盱晞晟晤曖曙映弟幼冲曖四子鑄劍縱鎔一女為憲宗后弟男七人同日拜官幼冲右庶子曜太子少保晞檢校工尚書晤至侍郎曖散騎常侍曙司農卿映太常丞子儀謝表云同日拜官前古未聞青紫照庭冠蓋成里

郭守素

難澤人與馮仁海齊名同載唐書孝友傳

郭航

萊州人李師道辟署右職師道叛航率郭昢切諫俱被繫時蔡州吳元濟拒命師道佯出師彭

城航問道走武寧請奇兵三千浮海直擣萊淄
朝廷不報航還所未幾師道召航昉疑事露
欲引決航曰事覺我
獨死君無患卒自殺

郭幼明

子儀之弟性謹愿無過不工武藝喜賓客飲
譙居家御衆皆得其歡心以子儀勲業累歷

大卿監卒贈

太子太傅

郭曜

子儀長子性孝友廉謹子儀出征於外留曜治
家少長十人皆得其所諸弟爭飾池館盛其車
服曜以儉朴自處累遷至太子賓客建中初子
儀罷兵柄乃遍加諸子官以曜為太子少保子
儀薨曜遵遺命四朝所賜名馬珍玩悉皆上獻
德宗復賜之曜乃散諸昆弟曜居喪得禮若儒
家子服未闋寢疾或勸其茹蔥薤曜竟
不屬口建中四年三月卒贈太子太傅

萬姓統譜

九

郭晞

子儀第三子少善騎射常從父征伐初以戰功授左贊善大夫從廣平王叔復西京晞力戰於

香積寺陝西皆出奇兵尅捷以功加銀青光祿大夫鴻臚卿

郭釗

偉姿儀身長七尺方口豐下沈默寡言母昇平長公主恩寵踰等起家為太常寺奉禮郎德宗朝累官至太子右庶子元和初為左金吾衛大將軍檢校工部尚書兼邠州刺史克邠寧節度使數歲入為司農卿釗大勲之後姻聯戚里而謀和接物恭慎自持居家臨民無驕奢之失士

君子重之

郭英乂

知運季子少以父業習知武藝策名河隴間以軍功累遷諸衛員外將軍至德初肅宗興師朔野英乂以將門子特見任用遷隴右節度使兼御史中丞既收二京徵還闕下掌禁兵遷

羽林軍
大將軍

郭承嘏

字復卿曾祖汾陽王承嘏生而秀異成童能通五經元和四年禮部侍郎弘靖知其才擢陞進士第累辟使幕歷渭南尉入朝為監察御史遷起居舍人丁內艱以孝聞終喪為侍御史

大和六年拜
諫議大夫

郭縱

字利用尚德陽郡主擢檢校國子祭酒駙馬都尉自景龍後外戚多為檢校官不治事宰相薦其才不當以外戚廢乃拜右金吾將軍封太原郡公卒贈尚書左僕射

五代
郭昭慶

永新人世業儒父鵬南唐進士官至大理司直昭慶博通經史擬經作唐春秋著治書五十篇以獻後再獻經國治民論各十餘篇後主悅之授著作郎時歲貢方物於宋表箋詞章皆

出其手

郭崇韜

代人明敏有才幹唐莊宗朝為樞密使莊宗嘗問曰昔吾與梁對壘河上雖盛夏被甲不

以為勞今居深宮不勝其熱何也崇韜對曰陛下昔以天下為心今以一身為意願常如河上

則可使煩暑坐變清涼莊宗默然尋為招討使平蜀以讒見殺

郭崇

金城人重厚寡言有方畧初仕後唐為應州都校晉割應州入契丹崇恥事之遂南歸後仕周以功累遷中侍兼中書令其次子允恭女為宋仁宗后

郭師從

合肥人仕吳越為浙東馬步都虞候從文穆王破廣德征無錫皆有功累遷浙西營田

副使忠獻王時以其累勲拜

同叅相府事辛年八十四

郭全義

南唐濠州觀察使有能名後加本州團練使

郭延魯

父饒以驍勇事晉高祖有功為沁州刺史者九年為政有惠愛州人思之延魯以善槩為

將從攻汴以先登功累遷復州刺史延魯嘆曰先君為沁州者九年民到于今思之吾今幸得為刺史其敢忘吾先君之志由是益以廉平自勵民甚賴之秩滿州人乞留不許皆遮道攀泣云

宋 郭進

博野人個儻任氣初仕周累官洺州團練有善政太祖親征澤潞遷本州防禦使充山西巡檢

御下嚴毅太祖將征太原先命進控石嶺闕契丹果犯闕進大破之

郭從義

太原人性厚有謀畧善飛白書初仕漢周以功累官檢校太師宋加守中書令出為河中

尹以太子太師致仕曾孫承祐
歷知數州累官至殿前都虞候

郭守文

字國華太原人父暉漢獲左軍使征遼東戰死守文沉厚有謀畧宋初以功累遷宣徽南

院使卒追封顯其平時所得俸祿悉以攜士卒之日家無餘財女為皇子崇仁妃累官磁州防

禦使

郭瓊

字國華平州人初仕契丹後歸漢歷團練防禦周初知宗正少卿事宋初以右領軍衛上將軍

致仕歸洛陽瓊雖起卒伍而尊禮儒士孜孜樂善蓋武臣之賢者也

郭廷謂

字信臣全義子彭城人幼好學攻書善騎射性恭謹事母以孝聞南唐時補殿前承旨歷

濠州監軍宋初知亳州馮瓚知梓州為僕夫所訟召為靖江軍節度觀察留後以代之悉除弊

政兄廷諭南唐太子洗馬延澤屯右衛大將軍

郭密

經城人太宗時補指揮使淳化間凡八遷移貝州駐泊兵馬部署會夏人寇邊以密有武畧擢

領安州觀察使充靈州兵馬部署訓練士卒號令嚴肅夏人畏服邊境寧謐

郭贊

字仲儀襄邑人乾德中進士累官叅知政事時曹彬為弭德超所譖贊辨其誣嘗對太宗曰臣

受遇不次惟以愚直報上太宗曰愚直何益贊曰猶勝姦邪仕終禮部尚書所著有文集三十卷

郭載

字咸熙浚儀人父暉義州刺史載以蔭補右班殿直端拱初知秦州兼緣邊都巡檢使先是巡

邊者多領兵騎以威戍人所至頗煩苦之載至悉減去戍人感悅改知成都府

郭延濬

字利川初為桂川牙內都指揮使父卒太宗

歷改崇儀使李順亂又改西京作坊使充成

部十州都巡檢使合王繼恩兵破賊斬首千餘

郭延澤

字德潤南唐試秘書省正字宋初歷殿中丞

召問經史條對稱旨命為史館檢討歷國子博

士咸平中求休退授虞部員外郎致仕居濠州

郭申錫

魏人舉進士為侍御史知雜事屢詆權倖無

重將守邊不要功生事則善矣以給事中致仕

郭遵

開封人家世以武功稱遵累官延州西路都巡檢使元昊寇延州遵入敵陳敵出驍將揚言當

入敵中為攢兵注射馬仆被殺贈果州團練使

郭忠恕

字恕先洛陽人七歲能屬文舉童子及第五代周時為周易博士宋初以被謫貶官流落

尤善圖畫太宗召為國子監主簿令刊定歷代

字書坐罪流登州所定有古今尚書并釋文

郭恩

開封人初隸諸班出為左侍禁累有戰功積官崇儀使并代鈐轄管勾麟府軍馬事初夏人歲

侵屈野河地至耕獲時輒屯兵河西以誘官軍

經畧使龐籍戒邊將勿與戰月餘食盡去如是

屢矣內臣黃道元以巡邊為名往按視之課者

言敵兵屯薩奇勒十五里不絕恩欲止道元怒

以言逼恩恩遂夜率步騎千四百人循屈野河

北行見臥牛峯舉火曰賊知吾輩出矣道元曰

此若輩之為也比明遇賊寇四方面合擊走東
山趨城東掖門以入恩與道元皆陷賊恩死之

贈觀

察使

郭琪

慶歷二年進士試秘書省校書郎歷官兵部郎
中有貴戚曾姓者奪民田累不敢決琪判歸之

民竟為其所陷而死蔡襄以詩哭之有如山判
筆心常壯為國忠魂勢莫驚之句復銘其墓

郭勸

鄆州須城人舉進士累官殿中侍御史仁宗時
廢郭后議立陳氏勸諫曰郭氏非有大故不當

廢陳氏非世間不可以儼宸極疏入后已廢而
陳氏議遂寢官至侍讀學士子源明累官職方

員外

郎

郭植

字仲微祥符人世寓鄭州舉進士甲科累官龍
圖閣直學士權知開封府嘗使契丹契丹厚禮

之與同出觀獵延稹射稹一發中走兔衆皆愕
視稹文思敏瞻尤刻意於賦聚古書畫不計其
貲購求之

郭祥正

字功父當塗人母夢李白而生少有詩名梅
堯臣一見歎曰真太白後身也舉進士知武

岡縣以殿中丞致仕後復出通判汀州知端州
又棄去隱於青山所居有醉吟菴蘇軾為作像
贊有詩文三十卷號青山集

郭達

字仲通其先自邢徙洛康定中兄遵死於敵錄
達為三班奉職范仲淹勉以問學後累官僉書

樞密院事加檢校太尉哲宗時以
左屯衛將軍致仕時稱為宿將云

郭希朴

華陽人以博學聞尤通於易任圻以方漢郭
林宗號有道先生能前知死生之故李旼為

知命錄

載其事

郭成

字信之德順軍隴干人仕為供奉官元豐中王師趨靈武成將涇原兵出奇奮擊斬敵將及禁

平夏城章染擇成為第十將駐平夏

陞都統制成輕財好施名震四鄙

郭琮

黃岩人少喪父事母極孝絕飲酒茹葷者三十年以祈母壽母年百有四歲耳目不衰鄉閭異

之至道中詔旌其門母無

疾而逝琮哀號幾乎滅性

郭峻

字次山雋都人性洞達無城壑年十八登熙寧進士調南豐尉時夏侯偁為令訟滿廷不決會

提刑至偁懼峻曰無患吾為子決之呼囚數十

坐廷下以片言折之囚皆自服歷祕書郎崇仁

令知洪州發姦摘伏

元豐中僉樞密院事

郭綸

黎州都監官滿貧不能歸權嘉州監稅蘇軾詩河西猛士無人識日暮津亭聞過船路人但知

鬣馬瘦不知鐵槩大如椽因言西方久不戰截髮願作萬騎先我當憑軾與寓目看君飛矢射

蠻

郭長倩

文登人登經義乙科為祕書少監兼禮部郎中修起居注嘗撰石決明傳為時人所稱所

著有崑崙集

郭諮

平棘人聰敏過人舉進士歷殿中丞嘗置方田法請行之歐陽修曰惟諮方田法簡而易行時

郭丹陷幽燕河決為害諮陳治水禦戎之要時論偉之

郭素

聞王軒遊苧羅山遇西子亦從而遊焉留詩泉石間寂無所遇無名子詩曰三春桃李本無言

却被斜陽鳥雀喧
借問東隣效西子何如郭素學王軒

郭襲輝

與陳子昂為方外十友

郭熙

工畫山水寒林坡詩云玉堂卧對郭熙畫發興已在青林間日摹六副驟雨圖筆法大進

郭振

字希聲工詩宿漁家云幾代生涯旁海涯兩三間屋蓋蘆花燈前笑說歸來夜明月隨船送到家

郭忠孝

達子受易中庸於程頤以父任補官登進士第累官河東路提舉靖康初召為軍器少監

力陳和議之非改永興軍路提點刑獄金人南侵與經畧唐重分城拒守城陷死之

郭執中

華亭人累官樞密承旨建中靖國初應詔言事切直忤蔡京籍為元祐黨入邪等斥居同

谷二十餘年因家馬紹興初金人犯成州執中乃集鄉豪守禦金以兵脅遣人來招執中立斬

使其

郭用孚

字仲先建安人事母至孝熙寧間調湖州德清簿遷閩縣令嘗遊蘇軾之門聲譽籍甚居

母喪哀毀篤至既葬廬墓三年郡守欲以八行薦力辭服闋以朝散郎通判興國軍子擇仁登第

郭浩

成子為渭州都監擊敗夏人建炎初知原州與金人戰有功累官永興路經畧安撫使歷知秦

利金等州後拜檢校少保樞密院都統制屯金州建帥府卒贈少師謚恭毅

郭許

德順軍中安堡人從軍積官至武經郎為涇原第八副將金人犯陝西渭帥以下叛降獨許不

許帥傳至以罪下之獄潯奮呼者三曰大丈夫
今得死所矣終不能受汚叛逆大惡天地所不

容衆醜具言殺之建

炎中贈忠州刺史

郭正孫

邛州人舉進士累官大府寺丞帥興元時金
人內侵屹守孤城三戰三却左右勸之避正

孫不從遂
死於敵

郭義重

字處仁莆田人早遊太學以操尚稱年四十
餘客錢塘聞母喪徒跣奔喪每一慟輒嘔血

聚土為墳而廬其傍甘露降烏鵲馴集紹興間
事聞旌其閭後義重從特科仕至德慶府叅軍

錄事

郭咸

字建泉晉江人幼嗜學甫成童通經義屬文筆
翰如流一灑立就尤精於法律善草書篆隸年

十九登祥符壬戌進士累遷殿中侍御史改乾
州觀察推官未幾復除殿院出為閩憲卒于官
所著有拙菴文集

四卷 揮詠一卷

郭允升

字彥信泰和人徽宗時知零陵縣蠻獠歸服
徙知安化虎不為害民有蠻虎藏之謠允升

初興學校慶元中蔡宗復創藏書閣開禧
中趙公道相繼葺理文教之化僻壤大同

郭汝賢

字舜卿蒲城人第進士居喪以孝聞調知福
清縣當官不私邑人信愛之宣和初通判興

化軍權郡事郡有園清塘周三十里溉田數千
頃歲久不修僱工增築民賴其利後以朝請大
夫知瓊州黎洞蠻叛殺畧居民汝賢設方畧前
後掩獲數百降其酋豪州境以寧以功增秩奉
祠

郭維

字仲逸當塗人少苦志讀書石城山鄉黨師事之大中祥符八年登進士初調泰州司理叅軍

治獄有能名知南豐縣籍郡邑之豪滑徙之終任無敢犯者改知新都縣以廉幹聞既去百姓遮道留不獲生為立祠邵使者交薦除知雅州王蒙正姻連明肅太后侵民田幾百家有訴者更數獄無敢直其事詔維治之批根解節秋毫無所貸以田歸民蒙正坐除名除屯田員外郎

郭僕

字同升欽宗時通判全州權饒州浮梁宰未行有賊張頂花者已逼縣境衆止之僕曰安逸則就艱危則辭非我所學徑就道至縣約束吏事誓以死戰賊聞之偽降入邑為變官吏竄伏僕曰我為宰義不可去端坐公署

賊責僕僕大罵不絕口遂遇害

郭永

元城人剛明勇決博通古今得錢即買書家藏書萬卷仕為丹州司法叅軍遷河東提點刑獄

金人犯大名宗澤傲永為戰守具城陷永贖目
大罵為金人所殺一家皆遇害紹興初贈資正

殿學士

謚勇節

郭知章

字明叔龍泉人為中書舍人有董必者使廣
東罷歸除比部郎官知章歷疏其罪不肯草

制羣議避之官至
直學士卒祠于學

郭孝友

字次仲龍泉人舉進士累官工部侍郎時秦
檜與金約和以孝友同舍生冀其助已乃私

諗之孝友曰議和本非至計因遂銷兵如後
患何檜不憚尋以直獻文閣致仕卒祠于學

郭震

成都人博學能詩才識過人裕然有物外之
志所著有漁州集李收稱其有孟郊之風

郭元邁

吳人字英遠博通經史入太學魁上舍建炎
二年以右武大夫副魏行可使金次河朔以

尺紙付家云封疆當艱棘時難保全生此身已許國矣至敵廷上書冀時乞歸二聖金人留之不遣元邁不肯髡髮換冠卒于敵中

郭緒

字天錫蒲城人幼而岐嶷讀書如素習晚調上杭簿留意邵雍象數之學兼取揚雄所據列山易以章會統元推之久而成書名易春秋按圖布卦計二十萬言釐為二十卷總之以圖隆興紀元以其書上方議推恩而卒

郭顏

字仁叔累舉不第以行誼聞邑人吳質歿富家占其妻孥聞官不得直衆請決之富家若欲有所私顏正色叱之立談間曲直以判自是鄉人不敢為不義事

郭杞

字堯章峻曾孫隆興癸未登進士第為翁源令縣闕尉寇犯境以書生易之迎敵成擒提刑楊

萬里保奏加承事郎賜章服食判陝州轉承議郎主管西外睦宗院以卒為人剛峭家無餘貲

與當時名士樓鑰黃仁傑相

友善尤為楊萬里所知云

郭偉

知太平州建炎初金兵攻采石及蕪湖偉率將士敗之其後水賊邵青薄城下偉募死士夜焚其攻具又決姑溪水灌

其營賊勢窮蹙乃遁

郭奉世

知永新縣時泰和民苦其令訴諸上司欲得奉世治其邑漕檄以往而永新民不可奉世乃寓兩縣之

佛舍兼治焉

郭忠順

字移可篤志嗜學以陰得官主程鄉簿改連江時朱喬年寓居浦城與忠順為忘年交任南康縣丞張九成謂移可博聞強記喜與之遊後知襄陽縣金人侵邊荆鄂兩軍戍唐鄧餽運

凡二十六萬斛諸司交章論薦陞奉化尹待士以禮撫民以寬束吏以法尤崇重學校士人愛之通判

太平州

郭雍

字子和忠孝子傳其父學隱居陝州乾道中旌召不起賜號冲晦處士孝宗稔知其賢更封頤正先生令部使者遣官就問時年八十三矣雍於易發明精到淳熙初學者裒集忠孝雍所至列於七大家為天易粹言

郭閻

字問先番禺人淳祐中舉進士累官監察御史右正言論事鯁直無依阿及卒家甚貧幾無以為殮鄉人以崔與之李昂英及閻三人共祠之

郭靖

高橋土豪巡檢寧宗時吳曦叛四州之民不願臣金棄田宅携老稚順嘉陵而下過大安軍楊

震仲計口給粟境內無死者賊驚移民使其還皆不肯行靖時亦在遣中至白厓關告其弟端曰吾家世為王民自金人犯邊吾兄弟不能以死報國今為敵所逐吾不忍棄漢衣冠願死於此為趙氏鬼

遂赴江而死

郭磊卿

字子奇僊居人嘉定進士端平初拜右正言擢右史彈劾權幸無所避時與杜成之徐元

杰諸賢號端平六君子天下方想聞其風采而皆相繼淪沒

郭道卿

義重五世孫至道初閩盜起與弟佐卿守孝子祠不去被執兄弟各求代死賊感兩釋之子廷偉為建寧路平準庫使辭歸侍養道卿嘗病疝危甚廷偉憂悴扶護一夕髮盡白有司言

狀旌之

郭子力

琪從孫字景行以太學舍選登開禧元年進士第授肇慶府教授時郡守事倍斂子力從

容以言箴之守感悟且郊薦于朝再調惠州教授校文程江監試欲私其所親以賄囑子力正

色却之其人忽恨置毒于酒子力夜夢神人為滌其腸其毒卒不行官至漳州通判

金郭斌

為金將金亡斌出保金蘭定會四州元兵圍會州城斌力戰驅妻子聚一室焚之已而自投火中有女奴自火中抱兒而出泣授人曰將軍盡忠忍使絕嗣此其兒也幸哀而收之言畢復赴火中死元將聞之惻然為保其孤

元郭榮

邢臺人通五經精於算數水利而尤善於教子時劉東忠張文謙張易王恂同講學於邢州西紫金山榮使其子守敬從東忠學遂至成名

郭守敬

榮子幼有大志嘗從劉秉忠游張文謙薦之於世祖能知水利嘗興復西夏瀕河五州諸渠後受命治厯乃備考諸書晝夜測驗推算極為精研厯成拜太史令遷昭文館大學士知太史院

事

郭嘉

字元禮濮陽人祖昂父惠俱以戰功顯嘉有大志舉泰定進士累官禮部員外郎會遼陽騷動特授廣寧路總管既至敵勢甚張孤城無援敵遣使脅之降嘉殺其使開門督戰力竭死之詔諡忠烈

郭全

遼陽人幼喪母哀戚如成人及壯父庭玉又卒居廬三載事繼母唐氏古氏甚孝唐古氏生四子皆幼全躬耕以養既長娶婦各求分異全不能止凡田廬器物悉自取朽弊者奉唐古氏以

居甘旨無乏唐古氏卒全年六十
餘哀痛毀瘠廬墓終喪詔旌表

郭貫

字安道保定人博學精於篆籀有才行至元中
為監察御史累官集賢大學士當時冊寶碑額
多出其手致仕歸泰定初遷學
士承旨不起卒追封蔡國公

郭昂

林州人習刀槩能挽強稍通經史尤工於詩至
元初上書言事廉希憲材之授山東統軍司知
事累官廣東宣慰
使蠻酋服其威信

郭回

邵武人天性至孝家素貧竭力養親母年九十
八而卒回傭身得錢葬之每旦詣墓哭祭如是
者十四年守臣
以聞詔旌表之

明
郭子興

定遠人其先曹州人父郭公善星厯子興兄
弟三人皆以貨產豪里中元末兵起子興乃

散家財陰結豪傑攻拔濠城據之自稱元帥為人勇幹善戰而性倖直不能容物卒以憤恨終

洪武初追封滁陽王

郭子興

臨濠人生有膂力善騎射初從郭元帥起兵尋來歸附從師渡江定金陵攻常宣諸州破陳友諒於鄱陽湖屢建奇功克定西伐西蜀征甘肅皆與有功封鞏昌侯卒追封陝國公謚宣武

郭英

臨淮人有膂力善騎射國初從征渡江取金陵以謹重見信任又從征偽漢戰鄱陽湖下武昌及從徐達取中原克元都定隴右山後諸處繼平南溪峒諸蠻累官武定侯復同傅友德平北寇英為將善撫士卒人多用命大小百餘戰刀箭瘢被體若刺畫然英毅之氣瀕老不衰居家

善事親尤喜觀書卒

封營國公卒諡威襄

郭亮

合肥人洪武中克効勤勞
歷轉武職後封安城侯

郭習中

三河人洪武丁卯舉人擢河南府教授以成
材積陞山西沁州歷刑曹郎中官至江西叅

政

郭資

字存性武安人洪武乙丑進士轉庶吉士歷仕
北平左布政永樂初擢北京刑部尚書改戶書

洪熙初兼太子賓客以太子太師致仕居官廉
介士林重之宣德間復起掌戶部卒追封湯陰

伯諡
忠襄

郭永道

安塞人有學行初為本縣儒學訓導
洪武中以賢良方正歷官戶部尚書

郭燧

巴縣人洪武中由太學生歷任仕途有能聲累遷湖廣布政司左布政使

郭雲

洪武初南陽衛指揮膂力過人有謀畧築城建衛撫綏軍民咸得樂業子孫世襲其爵

郭敦

字仲原崇邑人洪武中為河南叅政廉明仁恕才識超邁時京師營建敦率民赴役民皆樂趨

無後期者累陞禮部侍郎進戶部尚書鎮守陝西敦性資純實於人不苟合冰蘖之操無愧古人雖官列六卿而泊然布衣

郭任

丹徒人洪武中由薦舉累官戶部侍郎靖難師入不屈死

郭櫨

字德茂僊居人少勤問學遂有所悟專用靜中工夫其教人以收放心為先終元之世隱居教

授洪武初用御史李時可薦始就饒陽知縣三年邑大治以從兄故坐免邇者察諸途搜篋中

惟所著易說稌評文稿數十卷上嘉其廉賜紗
幘銀帶寶鈔以旌之既歸貧益甚課其子躬操
井臼卒門人私
諡為貞成先生

郭彥仁

無為人少讀書有勇畧長于吏事歸附太祖
以忠謹受知李文忠用兵浙西命彥仁往為

叅謀多所裨益戊戌三月文忠陞都指揮使司
左副都指揮守嚴州命彥仁充本司都事時胡
大海亦以平嚴州陞院判文忠與之有隙上命
彥仁調和於其間彥仁懇道上意將領和洽所
向成功金華苗將殺胡大海彥仁率兵討之入
金華撫其民後援新城取杭州平浙西皆預有
勞績陞嚴州府
知府士民德之

郭濟

太康人博通經史永樂初魁鄉試歷任大名訓
導秩滿薦陞左春坊司諫累轉行人兩使交趾

宣德中陞鎮江知府奉敕往蒞
其事在任多善政聲譽大振

郭原

蘭陽人永樂中鄉舉初授四川監察御史持身
端謹正大無阿雖故人不敢以私恩相干人謂

有古御史風尋陞

陝西按察副使

郭循

廬陵人永樂中進士擢刑部主事遣往南京錄
囚於枉抑多所伸雪嘗論列政務極言營繕之

事因改工部官

至廣東叅政

郭璉

新安人永樂初由太學生擢戶部主事以勤能
著稱陞福建叅政遷吏部侍郎兼少詹事宣德

中陞吏部尚書為人寬洪簡重得

大臣體甄別士類人服其當云

郭恕

字安仁世居難澤弱冠領永樂十二年鄉薦初
授思南府推官再歷湖州府明恕兩盡多所平

反所在以明允稱及擢御史屢有建白英廟賜錦衣一襲以旌其直後轉官山西叅議奉敕守雁門積糧撫士由是要害重地卒賴無虞恕游宦年久多不挈家以一身遠寄萬里之外而未嘗少動其心歸老林下儉素如寒士

郭瑀

威縣人永樂庚子舉人任戶部主事料量國計出納維允陞刑部郎中門無私謁理冤獄錄繫囚多所裨益于司寇子詮登成化己丑進士任戶科給事中勵志忠慎馳名諫垣卒于官人皆惜之云當時稱為三清先生

郭端

字李正自幼穎敏既長就學日誦數千言兼通地理精數學永樂二年以貢入太學授行人司行人陞巡按廣西監察御史時鎮守太監雷春肆為酷暴端劾奏置春於法靖江輔國將軍所

為不法托言京師有召端以其事奏聞遂伏辜
尋移交陞監軍值寇平復命有稱假御史蔣得
中迭擾閩廣湖湘間端竭力緝捕之陞
山東按察司僉事改交陞後卒于京師

郭智

字懋明登進士第任監察御史正統初三楊學
士舉陞都察院右僉都御史撫鎮陝西寧夏整
飭邊務智儀幹魁梧議論剴直英銳之氣
政事之才表表出人頭地見者以為得人

郭璽

字文瑞永年人天順間進士授翰林庶吉士尋
為工部主事時有宦官王順寵倖令家人囑以
私事璽叱之順懼罪折其家人二指面奏璽酷
暴逮責問復命人搜其家惟圖書敝衣布被而
已進之上怒宣順責之曰爾奏郭璽如彼是誣
之也未幾轉兵部武庫司主事缺官餘銀奏歸
朝廷兵部主事姚璧囑私事於璽璽發其事由
是門無私謁遷武選員外郎英廟嘗書其名於

御屏間以疾乞歸

郭昇

字騰霄舉進士任工部都水司主事成化丁亥奉命蒞徐州洪治水昇究心乃事募工匠鑿去翻船石以百數東西隄岸俱用方石疊砌固以鐵錠灌以抹灰使平廣堅厚為牽輓之路附隄掘井以濟輓夫樹柳六百餘株為蔭休之所至今漕運便之擢郎中仍蒞洪事尋陞陝西叅議卒贈朝列大夫

郭忠

肥鄉人成化己丑進士筮仕戶部主事督收京儲遷員外督儲臨清進郎中宗室訟民田久不決敕忠勘實歸奏稱旨及擢守處州嚴關防判訟獄忠信明決人不欺欺至於感神夢以獲大盜敷惠政以還逋民禱雨而雨輒應祝蝗而蝗盡死瑞竹瑞蓮嘉禾異草疊見于郡衆咸歸頌

于忠而忠不自以為德也處人輯其條教曰為政紀綱曰括蒼規約以傳為建生祠以祀之其家教甚嚴弟忝舉鄉貢懋惠皆有文名子郭猶子郊俱登進士第鄔亦鄉貢進士所著有詩文若干

卷

郭紳

字廷章宜春人成化乙未進士授寧海知縣學士方孝孺縣人也事淹國禁紳至首刺方正學

集初祠祀之擢監察御史巡按雲南陞襄陽知府歷南京刑部右侍郎卒紳器宇凝重雖歷崇顯而居鄉待人不設城府寬厚簡樸有長者風子敘正德丁丑進士授刑部主事歷陞雲南僉事貴州叅議卒

郭鏜

字子紳思縣人成化丙戌進士歷都御史

郭絳

字仲端臨海人進士弘治初以監察御史任德

安府剛明質朴清操凜然嚴束下官痛革吏弊
鋤強濟弱辨枉雪冤教諸生務實學親為講解
勸課農桑招撫流移賑貸貧民病給醫藥水旱
躬為祈禱民有謠曰再生包公衛我小民在郡
六年乞休百姓詣闕奏留詔陞山東右叅政仍
管府事

郭鵬

字時舉宜春人弱冠中鄉試第一明年入胄監
玄思日進益讀莊騷秦漢以上文祭酒崔銑試

之魁太學辛
年二十九

郭秉聰

字子儀襄垣人正德
辛未進士歷通政

郭登

字元登臨淮人營國忠襄公之孫充勲衛進都
督僉事守大同破賊封定襄伯天順元年奪爵

謫戍甘肅成化元年復爵充團營
總兵卒贈侯諡忠武世襲指揮使

郭紀

字彥理大同人正統
戊辰進士歷布政

郭維藩

字价夫儀封人正德辛
未進士歷翰林院學士

郭登庸

字汝徵山西山陰人正德甲戌進士嘉靖中
任湖廣提學副使性嚴明剛介人不敢干以
私先是諸生猥冗庸汰其荒繆者數千人士
始自重終僉都御史與許宗魯齊名並稱之

郭宗臯

字君弼福山人嘉靖己丑進士歷宣府巡撫
都御史以事謫戍隆慶改元復職歷南京兵

部尚書宗臯知兵畧
有才名為士林所重

郭鏊

字允重高平人嘉靖壬
辰進士歷工部侍郎

郭鑒

字允新高平人嘉靖乙未進士歷戶部侍郎弟鑒字允明同科進士歷光祿寺卿

郭乾

字易甫任丘人嘉靖戊戌進士歷兵部尚書

郭氏敬

字子莊大同山陰人嘉靖丁未進士授行人任監察御史性真愷毅直不肯詭隨志甘清

苦布衣糲食人所不堪遭艱哀毀寢苦三年一日竟以受濕病殞身晉陽稱為君子

萬姓統譜卷一百十九